

PAPA INFALLIBILIS

NUPER AB

2

Impugnatoribus suis vindicatus

NUNC IN TRIUMPHUM ADDUCTUS

PER SECUNDAM EPISTOLAM APOLOGETICAM

Adversus Epistolam

Illustrissimi ac Reverendissimi

GILBERT DE CHOYSEUL

DU PLESSY-PRASLAIN

EPISCOPI TORNACENSIS

MISSAM AD

Eximium ac Reverendum admodum D. num.

D. MARTINUM STEYAERT

S. T. D. & Professore Ord. in Facultate Lovanienfi;

D E

POTESTATE ECCLESIASTICA.

Per D. num FRANCISCUM VERITE' Salvatorianum.

*Auferte gentem perfidam
credentium de finibus*

} UT UNUS OMNES UNICUM
OVILE NOS PASTOR REGAT
E C C L E S I A.

LEODII, Typis JACOBI MONFORT. 1688.

THE UNIVERSITY OF CHICAGO
LIBRARY

1911

1911

1911

1911

1911

1911

1911

1911

1911

1911

1911

1911

1911

1911

1911



ILLUSTRISSE DOMINE,



O C E T me S. Cyprianus, quòd cavenda sunt, non solum qua aperta sunt, atque manifesta, sed & astuta fraudis subtilitate fallentia. Nec immerito, quia juxta V. Bedam l. 4. in Luc. c. 25. Duo sunt genera persecutorum, unum palam savientium, alterum fide fraudulenterque blandientium. Sed horum astutiam jam dudum detexit Spiritus S. dicens in labijs suis indulgeat inimicus, & in corde suo insidiatur, ut subvertat te in foveam, in oculis suis lacrymatur inimicus, & quasi adjuvans suffodiet plantas tuas. Eccl. 12. Talem te expertus sum (pace vestra dixerò) dum epistolam vestram ad E. D. Steyaert missam perlegi, teque exclamantem percepi: *Quis non doleat fratres ita inter se dissidere? nihil gratius existimem, quam distractos in pristinam concordiam revocare.* Speciosa profecto exclamatio, sed est in animis, quia eam non sequitur intentio. Quis non manibus pedibusque ad te convolet, cum te tanto dolore discordias sentientem, & tam flagrantem exhibeas pacis amatorem? Sed o cordati veritatis amatores, nolite credere omni spiritui, quia sæpè sub ovina pelle latet Lupus, imò & sub Pastoris habitu mercenarius. Hæc tamen de te (Illust. D.) suspicari non ausim: ideoque palam profiteor, me pro tali Illustrissimam Vestram Gratiā non depingere; verum tamen hoc asserere non erubescō à benè sensatis Theologis ad minus suspicandum esse illa vestra verba esse inimici *fide fraudulenterque blandientis*, & Theologicè D. Steyaert persequentis: suspicionis fundatissimæ causam didici ex prov. 18. ubi dicitur *occasionem querit omnis, qui vult recedere ab amico.* Recessi (scripta tua testantur) ab amico tuo D. Steyaert, imò & inimicitiae occasiones quaesivisti, dum Theologo Gallo D. Steyaert in Theologicis inimico dextram prebuvisti, juxta illud *non solum qui faciunt culpabiles existunt, sed etiam qui consentiunt facientibus* Rom. 1. Consensisti cum Theologo Gallo (legentes epistolam vestram testes appello) ideoque de inimicitia Theologi Galli particeps factus es, quia si non caret scrupulo societatis occulta, qui manifestum facinoribus definit obviare, quid sentiendum de eo, qui manifestum se exhibet socium? dixi verba vestra esse eloquia inimici *fide fraudulenterque blandientis*, & Theologicè D. Steyaert persequentis; non intellexi Theologicè moraliter ad peccatum pervenientis, sed Theologi-

cè scholasticè à veritatis tramite deflectentis ; an ex professo , an ex opinionis hallucinatione iudicet Dominus , qui scrutatur renes , & corda. Hoc itaque modo fraudulenter blandientem D. Steyaert inimicum te ostendisti (ut quidem iudico) dùm cum Theologo Gallo quasi conspirans adversus D. Steyaert , mutuò collocuti fuistis dicentes , *circumveniamus justum illum , quoniam contrarius est operibus nostris* : sed ipse stetit in magna constantia adversus eos qui se quidem impetiverunt , sed non angustiauerunt , nec abstulerunt labores ejus. Et quamvis ad tempus à scriptione abstinuerit , nolite vobis adulari , quòd argumentorum vestrorum pondere deterritus siluerit : nolite , inquam , per hoc vobis adulari , quia scriptis Theologi Galli satis sese opposuit , vestris autem , ut opinor , respondere non potuit , vel negotiorum multitudinem obrutus , vel (quod probabilius existimem) despiciens imbecillum vestrum argumentandi modum , textus truncatos , Adversariosque fictos à te , ut veros , productos : quomodo autem fictis terreretur hostibus , qui tam strenuè obviam venit manifestis ? ludere quidem potuisti , Illu. D. sed illudere minimè valuisti : esto , pacis prætextum assumpseris , non tamen ut pacis defensorem (saltem in hoc suo negotio) te assumpsit , sed technas vestras detexit , eoque longius à te se abduxit , quo sciebat clarius , quòd *plus metuendus est , & cavendus inimicus , cùm latenter obrepit , cùm* PER PACIS IMAGINEM FALLENS , *occultis accessibus serpit , undè & nomen serpentis accepit : ea est ejus semper astutia , ea est circumveniendi homines caca , & latebrosa fallacia , sic ab initio statim Mundi fefellit , & VERBIS MENDACIBUS BLANDIENS rudes animas incauta credulitate decepit* : Verumtamen non nisi rudes , minimè verò eruditos , & oculatos , sed hi subridentes dissimulant scientes , quòd *non est discipulus supra magistrum , nec servus major Domino suo. Quid nos hoc indignemur FRAUDULENTUM IMPETENDI GENUS , cum inimicus Diabolus sic Dominum ipsum tentare conatus , quasi obreperet , rursus & falleret , latenter accesserit*. Hactenus Cyprian. l. de unit. ecclesiæ. Nec nos itaque indignabimur vestrum impetendi genus , Ill. D. sed defensores nos exhibebimus per ulteriorem epistolæ vestræ refutationem.

Negas Summum Pontificem , Petri Successorem , Christi in terris Vicarium Superiorem esse universæ Ecclesiæ , ita ut ipsum velut suum Monarcham agnoscat sicut agnoscit Gallia Ludovicum , Hispania Carolum. Sed (salvà pace vestrà) nimis invidiosus es Pontifici ; invides enim ipsi , quod ipse Christus illi concessit , illum quippè *universo terrarum orbi Christus praposuit* Chryso. Hom. 55. in Matth. 13. Et quidem tantà potentiâ præditum voluit , ut & Imperatores ejus subjeceret Principatui teste S. Antonino c. 8. de Gallieno & sub eo gestis. *Principatum & Imperium ab uno habere principium scilicet Christo , qui fuit Pontifex & Rex Regum , & distinctas esse eas dignitates , PAPAM TAMEN HABERE*

RE UTRUMQUE GLADIUM , & utroque uti posse , & ideo licet distincta potestates , in exercitio tamen subalternatim se habent , ita quod IMPERIALIS DIGNITAS SUBIICITUR PRINCIPALI , UT INFERIOR SUPERIORI , UT SICUT UNUS PRINCEPS IN UNIVERSO , DEUS VIDELICET , ITA IN ECCLESIA UNUS MONARCHA SCILICET PAPA , CUI TERRENI SIMUL ET CŒLESTIS IMPERII DOMINUS JURA CONCESSIT. d. 22. c. 1. Undè & S. Bernardus huic sententiæ subscripsit dum alloquens Eugenium sic effatur. *Quid tu denuò usurpare gladium tentes , quem semel jussus es ponere in vaginam ? quem tamen , qui tuum negat , non satius videtur attendere ad verbum Domini dicentis , converte gladium tuum in vaginam. Tuus ergò & ipse tuo forsitan nutu , etsi non tuâ manu evaginandus. Alioquin si nullo modo ad te pertineret , & is , dicentibus Apostolis , ecce gladij duo hic : non respondisset Dominus satis est , sed nimis est. UTERQUE ERGO ECCLESIAE , ET SPIRITUALIS SCILICET GLADIUS , ET MATERIALIS , sed is quidem pro Ecclesia , ille verò & ab Ecclesia exercendus est , ille Sacerdotis , ille Militis manu , sed sane ad NUTUM SACERDOTIS , & jussum Imperatoris. de confid. l. 4. c. 3. Undè tantâ universalitate Ecclesiæ est Papa præpositus , ut foret Orbe exeundum ei , qui fortè vellet explorare , quæ non ad tuam pertinent curam ;* ait iterum Bernard. Eugenio l. 3. c. 1. Sed de hoc aliàs.

Resumo , quod leviter in primâ meâ epistolâ refutavi , & ampliori , (ne vulgus decipiatur) calamo refuto , quod dixisti , quod *Christus detulit Petro primatum , sed non continuo ab omni errore immunem asseruit* , verum infelicem hujus tui dicti probam profers dicens , *restitit ipsi in faciem Paulus , quia reprehensibilis erat.* Ad hoc respondi non hic agi de reprehensibilitate Petri in materiâ fidei , sed in materiâ aliarum virtutum , scilicet constantiæ , &c. In primo Petrum non peccasse asserui , imo nec peccare potuisse præter probas , quas dedi , ulterioribus confirmabo : sed prius hunc locum ad galat. 2. expendamus , ac ostendamus , ne vel in minimo tibi favere , quàm & secundum SS. Patres manifeste adversari : non ignoras acrem hanc fuisse inter Hieronymum , & Augustinum controversiam illo Petrum ab omni peccato excusante , hoc Petrum de hæresi reum non probante : non te fugit , quam validis impetiverit Hieronymus Augustinum argumentis , & inter alia Augustinum præmebat dicens , *si cui iste non placet sensus , quo nec Petrus peccasse , nec Paulus procaciter ostenditur arguisse MAJOREM , debet exponere , quæ consequentia Paulus in altero reprehendat , quod ipse commisit* , epist. 89. ad August. hoc autem argumentum (ex licentiâ ipsius met Augustini sic loquor cum Reverentia , quia in sua ad Hieronymum responsione suam permisit impugnari sententiam) Augustinus efficaciter nusquam solvit. Sed utrumque , & Paulum scilicet , & Petrum dispensatione magistrâ processisse obvium est apud

Patres, nec usquam à fide deviasse probaveris, uti invictè Tertulianus contra hæreticos, Cyrillus Alex. Chrysost. Theodoretus, Theophyl. Æcumenius, alique ostenderunt. Quantum ad Augustinum spectat & Hieronymum, non videtur Augustinus Hieronymum impugnans nodum difficultatis attigisse, quia putabat Hieronymum docere mendacium officiosum esse licitum, quod certe nec in commentariis ad Gallatas, nec in suâ ad Augustinum epistolâ usquam docuit Hieronymus: unde qui ex Augustini epistolâ vellet concludere Petrum in fide errasse, deberet ostendere Augustinum probasse Petrum intentione Judaica Judaizasse, cum tamen dixerit de Paulo, *non ideo Petrum emendavit, quod PATERNAS TRADITIONES OBSERVARET, quod si facere vellet, nec mendaciter, nec incongrue faceret, quamvis enim jam superflua, tamen solita non nocerent.* Si tamen quis his non obstantibus adhuc insistas dicatque, vel hic vel alibi Augustinum supponere Petrum intentione Judaicâ Judaizasse, hoc est putans Judaïsmum adhuc esse, & tunc fuisse ad salutem obtinendam necessarium, adducat unum ex Augustino testimonium, quod Petri interiora penetrans talis in Petro intentionis indicium subministrat, & tunc, quid responsuri simus, cogitabimus. Interim ego reflecto quod Augustinus dicat *Paulus occurrit: ad ipsum confugio, ad ipsum ab omnibus, qui aliud sentiunt litterarum ejus tractatoribus, provooco.* Ergo quisquis cum Augustino docere eligit Petrum verè fuisse in errore Judeorum, & à fide deviasse, adducat ex Augustino unum testimonium ex Paulo desumptum, quo Augustinus illud comprobavit: quisquis es ad Paulum te provocat Augustinus, ad Paulum eas: at, inquires, Paulus dicit, *se Petrum vidisse non rectè ingredientem ad veritatem Evangelii*: hoc & Augustinus dicit: sed memento & Augustinum dicere de Petio: *NEC VERE FUERAT IN ERRORE JUDEORUM, qui non solum noverat sed etiam instanter, & acriter predicabat eos errare, qui putabant gentibus imponenda, vel justificationi, quocumque fidelium necessaria vetera illa Sacramenta.* Attentè reflectas, in quem finem hanc cum Hieronymo tractarit Augustinus quæstionem, & depræhendes non alio tendere, quam Hieronymum convincere mendacem simulationem non esse licitam, in quo tamen Hieronymi mentem assecutus non est, cum hoc asserere Hieronymus nusquam ostendetur, hoc attento percipies mentem Augustini esse Petrum dispensatione fidei non fallaci Judaizasse: audi Augustinum hoc in terminis asserentem, dum Hieronymum alloquitur *cumenim abs te quassem in epistola mea, quomodo putetur ideo factus Judais, tamquam Judæus, quia FALLACITER suscepit sacramenta Judæorum, cum & gentibus, tamquam gentilis factus sit, nec tamen suscepit fallaciter sacramenta gentium: tu respondisti, in eo factum gentibus tamquam gentilem, quod præputium receperit quod*

indifferenter permiserit vesci cibis, quos damnant Judæi : ubi ego quaero , utrum & hoc simulatè fecerit ? quod si absurdissimum , atque falsissimum est , sic ergo & illa , in quibus Judeorum consuetudini congruebat **LIBERTATE PRUDENTI** , non necessitate servili , aut quod est indignius dispensatione **FALLACI** , POTIUS , QUAM **FIDELI**. Ut quid enim dispensatione fallaci uteretur Petrus , cum sine peccato facere permissum fuerit dicente Augustino , quòd si facere vellet , nec mendaciter , nec incongruè faceret , quamvis enim jam superflua **TAMEN SOLITA** NON NOCERENT , Demus itaque gratis Hieronymum errasse cum suis , & Augustinum ipsum convicisse gratis concedamus , quid inde concludes ? an Petrum in fide errasse ? Sic concludendo SS. Patrum non assequeris sententiam : verumtamen non ego te eorum cathalogo inseram , quo illos totaliter concludentes inserit B. Justinianus in c. 2. ad Galat. dicens certe quidquid aliqui IMPERITE ATQUE IMPIE effutiant , in fide nullo modo erravit Petrus. Ego , inquam in imperitorum atque impiorum serie minimè te constituo , sed ex aliorum sententia ostendo , quod illegitimè concludas , & si hoc per verba duriuscula Hæreticis olim applicata probavero , inspicito non esse meam , sed S. Cyrilli Alex. l. 9. contra Julianum : **AUDAX ILLE ET CONFIDENS Petrum Apostolorum præcipuum cavillatur , & Hypocritam esse dicit , atque à Paulo reprobensum , quod modo Græcorum , modo Judæorum ritu vivere vellet , ignorans PLANE SINGULAREM IN HIS CONCILII RATIONEM : NON ENIM DIVERSA SENTIEBAT ILLE DISCIPULUS , SED CONGRUA MODERATIONE TEMPESTIVE UTENS , omni ratione prodesse iis studebat , qui ad se venirent . Cum autem unis ritibus addictus esset B. Paulus . aggressus commonefecit ; metuebat enim nè PROPOSITUM LATERET , ET ILLE DISPENSANDI MODUS nonnullos offenderet (ecce quomodo Cyrillus Augustino consonet) NON PROPTER MALEFACTUM Petrum monet Apostolus , sed propter PERICULUM ABUSUS illius Divi Petri DISPENSATIONIS . Non mihi (quamvis parum curem , dummodo veritas appareat) sed Cyrillo succenses , si hæc te verba acrius pungant . Recte itaque scripsit Tertull. l. 5. adversus Marcion. c. 3. plane reprehendit . non ob aliud tamen , quam ob inconstantiam victus , quam pro personarum qualitate variabat , timens eos , qui erant ex circumcissione . Idque merito reprehendere potuit Paulus , quod aliter viveret , quam doceret , neque externas actiones cum periculo abusus (Cyrilli utor vocabulo) suæ dispensationis suæ sententiæ , satis accommodaret ; docuerat enim ante cum cæteris in Concilio Hierosolymitano Moysis ceremonias non esse gentibus necessarias , ac per consequens esse negligendas , & nihilominus cum Judæis Judaizabat , & per suum exemplum periculo se ex ponebat , quod multis vel malevolis , vel ignorantibus , vel pusillis foret lapis offensionis , aut Petra scandali , eo quod multi deinde Petrum imitarentur non eâ , qua Petrus ,**

intentione, & fine, atque adeo cœpit esse perniciosum, quod ab initio cum laude potuit usurpari. Cum laude, inquam, quia erat singularis benevolentia, charitatis, prudentia, & rerum gerendarum dexteritatis indicium in Petro, ut Judæis Judæus fieret, ut Judæos lucrificeret: ipse quippe timebat eos, qui ex circumcisione erant, non quasi ab eis metueret sibi, sed potius, quia illis periculum, aut scandalum metuebat. Sic infra c. 4. 11. *timeo vos, ne frustra in vobis laboraverim*, & 2. Cor. v. 3. *timeo, ne quem admodum serpens decipit eam, ita corumpantur sensus vestri*. Timebat igitur Petrus interprete Chrysostomo, *ne Judæi deficerent, neque enim apud Apostolos mortis, aut proprii periculi timor valebat, verum ne ipsorum Discipuli in discrimen adducerentur, vehementer metuebant*. Et hac ratione non errasse, sed officio potius satisfecisse credendus est Petrus, nam cum illi Judæorum præcipuè cura commissa esset, & patrocinium, officii ab eo ratio postulabat, ut eorum imbecillitati parceret, eorumque voluntati sese accommodaret, cum præsertim sibi faciliè persuadere posset nihil indè Gentiles capturos detrimenti, siquidem cum communi consensu definitum est, Legis veteris cæremonias Fidelibus non necessariò usurpandas; nec ignorabat cæremoniarum observationem eo tempore nondum esse lethalem, ideoque citrà noxam potuit Petrus, ut Judæorum imbecillitati consulere, eas ex parte retinere: sed cum ejus exemplum plures alii sequerentur, multorumque salus in periculum adduci videretur (quod Petrus ab initio divinare non poterat) cœpit esse repræhensione dignum, quod potuit cum laude inchoari, sed per hoc Petrus errabat, *non docenti imperio, sed conversationis exemplo*. Vides ex dictis, quæ sit Sanctorum Patrum mens de repræhensione Petri: verumtamen quia Augustinus, qui contrarium sibi sentientes ad Paulum compellavit, etiam dicat, *quid hinc senserit noster Ambrosius, quid noster item Cyprianus, invenies fortasse nec nobis defuisse, quos in eo, quod asserimus, sequeremur*. Si ergò Augustinus Ambrosium & Cyprianum sequeretur, quid ni & nos eos sequamur? Ambrosius Petrum ab Hæresi excusat, Cyprianus autem nec excusat, nec accusat, saltem in eo quem reperire potui loco, ubi dicit, *nec PETRUS, QUEM PRIMUM Dominus, elegit, & SUPER QUEM AEDIFICAVIT ECCLESIAM SUAM, cum secum Paulus de circumcisione postmodum disceptaret, vindicavit sibi aliquid insolenter, aut arroganter assumpsit, ut diceret se primatum tenere, & obtemperari à novellis & posteris sibi potius oportere, nec despexit Paulum, quod Ecclesia prius persecutor fuisset, sed concilium veritatis admisit, & rationi legitima, quam Paulus vindicabat, faciliè consensit, documentum scilicet nobis & concordia, & patientia tribuens*. epist. 71. Ambrosium modo excusantem audiamus in Epist. ad Galat. NON ENIM ALIQUID FUISSET ERRORIS, si præsentibus Judæis dissimulasset à gentilibus, timens scandalum, sed hic tota causa REPRAEHENSIO-

NIS est, quia advenientibus Judæis ab Jacobo, non solum segregabat se ab eis; cum quibus gentiliter vixerat, sed & compellebat eos judaizare, causa timoris illorum, ut quid horum verum esset ignorarent Gentiles. Sed cum Tertull. loquor l. d. præscript. c. 23. Hoc conversationis fuit vitium non prædicationis. Etenim BENE SENTIEBAT DE ABOLITIONE LEGIS; sed simulavit pro timore Judæorum, ne occasione gentium à fide recederet, & sic perderet suum gregem. Simulavit autem & Paulus pro simili metu, quando Thimoteum circumcidit, & Comam more Nazarai nutrit, quam in Cenchreis rasit, vel quando purificavit in templo sacrificium obtulit: Petrus ergo, utpotè Judæorum Apostolus salutem Judæorum providebat in hac simulatione, timens, ne si coram Judæis communes cibos ederet cum gentibus, illi prædicationem ejus respicerent, & à fide discederent, ideoque permittebat adhuc illis, ut facerent circumfessionem, ceterosque ritus Legis observarent, & IPSE CUM EIS EX PARTE SERVABAT, ut paulatim eos ad fidem, & Evangelij veritatem alliceret, & idcirco, si quis Gentilium circumcidi vellet, in præsentia Judæorum non prohiberet. S. Anselm. in epist. ad Gal. Hos si potes refelle. Hæc latius, quam moris est produxi, ne per speciosa adversariorum meorum verba vulgo imponatur, & Petrus à fide deviasse erroneè divulgetur. Hoc si placet, Imo, quia placet tibi Illustrissime Domine (cum Hieronymo te alloquor) tu ut Episcopus toto orbe notissimus, debes hanc promulgare sententiam, & in assensum tuum omnes Episcopos trahere. Ego de magnis statuere non audeo, nisi hoc ingenuè confiteri, me majorum scripta legere, & ponere explanationes eorum, non enim volo abundare in sensu meo, sed sapere desidero ad sobrietatem, atque ideo hos tibi SS. Patres præscripti, eorumque sententiæ subscripti, si hoc non obstante me reprehendis, ut errantem à veritate, patere mihi quæso errare cum talibus, & cum me erroris mei multos socios habere perspexeris, tu veritatis tuæ saltem UNUM ADSPICULATOREM præferre debebis, illi (quos ego adduxi) interpretati sunt, ut potuerunt; tu quoque modo istum locum edisseras, utique meliora dicturus, qui VETERUM SENTENTIAM reprobasti?) profecto compatiore naturæ tuæ, & ætati, ideoque obsecro te, ut pace tuæ meum dolorem ratione sententiæ tuæ conceptum audias. Pervolve itaque veterum volumina, & velis nolis tuam sententiam reprobabis, & tunc scies opere, difficilius esse confirmare suam, quam aliena reprehendere. Pro nunc satis est: ad alia me sequere.

Moris est apud amicos, quod invitatus amicus alium de consortium conferre possit sine indignatione invitantis: invitatus D. Steyaert dicens ad sacram Scripturam ad Apostolicam Ecclesiæque perpetuam traditionem, ad Conciliorum ipsorumque summorum Pontificum Gregorii VII. majorum (quid ni & successorum?) Decreta provoco: & cum hac sint Theologia armamentaria (cur ab his excludis sanctos Patres?) mihiq; cum sapientissimo Theologo sermo sit: non dubito, quin

de ipso iudice causa cadant nostri (quam tibi adularis!) imò veritatis (alias falsitatis) adversarii: cum amicum D. Steyaert me proteſter ipſi me ſocium non invitatum adjungo, Theologiæ armamentariis à te enumeratis (ſed & ex SS. PP. Libris depromam) utor? ideoque & te viciffim provocò, ut non aliis utaris ad nos convincendum testimoniis: authoritatibus (Si potes) nos ſuffocato, non obruas nos hiftoriarum enarrationibus (quibus equidem nihil efficies) hæc enim non adjiciuntur niſi ut legentes tædio afficiantur, & alterationis tempus lucretur, uti ſolent facere mali litigatores, rabulæ contentioſi vulgo *chicaneurs* dicti: iterum ergo ad authoritates ſolas provocò, & provocatum te iſdem aggredior.

Ad Petri primatum, & infalibilitatem probandam vel tibi objecit D. Steyaert, vel tu ut ab ipſo objectum tibi ipſi objicias hunc textum *tu es Petrus, & ſuper hanc Petram ædificabo Eccleſiam meam*: & reſpondes *verum obſectas, E. Domine, quoad verba. ſed vide utrum SS. Patrum ſenſum aſſequaris*. Ipſum SS. Patrum ſenſum aſſecutum eſſe clarè oſtendi in prima epiſtola, & nunc aliis ſtabilio, & ratiocinationibus, & irrefragabilibus (ut pote ex Theologia armamentariis) extractis authoritatibus. Ad rationem prius, poſtea ad authoritatem me convertam. Audite inſulæ, & attendite populi de longè Doctòris Pariſienſis ſacundam quidem, ſed infæcundam refutationem, qua oſtendit D. Steyaert SS. Patrum ſententiam non fuiſſe aſſecutum. Hæc eſt: *non ignoras, doctor eximie, (ſic D. Steyaert alloquitur Illuſtriſſimus Doctòr Pariſienſis) pluribus in locis Auguſtinum docuiſſe, Petram, ſuper quam fundata eſt Eccleſia ipſum eſſe Chriſtum. Quid inde concludit? Petrum eſſe primariam partem Eccleſiæ (qua authoritate probas, quâ conſequentiâ per quam figuram concludis?) & deinde ſubinfert, ſanè niſi diſpliceat S. Auguſtini authoritas, vides ex hoc Evangelij loco, quamvis Petrus maxime commendetur, non ipſi tamen ſed Chriſto, vel ejus Eccleſiæ infalibilitatem, & omnimodam à Petri inferi eſſe ſecuritatē adſcribendam. Timeto tibi, non nobis, quod diſpliceat Auguſtini ſententia. Legiſtine c. 21. l. 1. retract. & ſi legeris, quid nobis vereris Auguſtini non placituram ſententiam; cùm ibidem apertis verbis noſtræ ſubſcribat ſententiæ? Si fortè non legeris, pone perſpicilia (quia ſeniculus es) ſed non Gallica, aſt Auguſtino-Romana, & lege hæc Auguſtini verba dixi in quodam loco de Apoſtolo Petro, quod in illo tamquam in PETRA FUNDATA SIT ECCLESIA, qui ſenſus etiam cantatur ore multorum in verſibus Beatiffimi Ambroſij: ubi de Gallo Galinæo ait, 'hoc IPSA PETRA ECCLESIAE canente culpam diluit. (Utinam ad Galli cantum omnium Gallorum oculi aperirentur, ut humilem Pontifici ſubjectionem exhibeant! ad hoc Deum exoro. (Sed ſcio me poſtea ſæpiſſimè ſic expoſuiſſe, quod à Domina dictum eſt, tu es Petrus, & ſuper hanc Petram ædificabo*

Ecclesiam meam, ut super hunc intelligeretur, quem confessus est Petrus dicens, tu es Christus filius Dei vivi, ac si Petrus ab hac Petra appellatus personam Ecclesia figuraret, quæ super hanc petram adificatur, & accepit claves Regni cælorum. Non enim dictum est illi tu es Petra, sed tu es Petrus, Petra autem erat Christus, quem confessus Simon, sicut eum tota Ecclesia confitetur, dictus est Petrus. Harum autem duarum sententiarum quæ sit probabilior, eligat lector. Quidsi ego utramque eligam, & dicam Petrum esse Ecclesiæ fundamentum? putas me ab Augustino dissensum? erras: dum enim Augustinus dicit Christum esse Ecclesiæ fundamentum, cum eodem dicam in Psal. 86. si gregem subditum cogites Christus Pastor Pastorum, si fabricam cogites, Christus FUNDAMENTUM FUNDAMENTORUM. Et dum ego Petrum Ecclesiæ fundamentum intitulo, Petrum FUNDAMENTUM FUNDATUM assero. Annè hoc asserendo ab Augustino recedo? minimè gentium. Sed Basilio Magno confocior dicenti, at Petrus dixerat jam antea, & Beatus pronuntiatus fuerat: dixerat tu es filius Dei excelsi, & vicissim audierat, SE ESSE PETRAM, ita laudatus à Domino licet enim petra esset, non tamen PETRA ERAT UT CHRISTUS: ut Petrus petra erat, nam Christus VERÈ EST IMMOBILIS PETRA, PETRUS VERO PROPTER PETRAM: argumentum est opulenti HABERE scilicet, & ALII DARE. Hom. 29. de pænit. Hujus mei dicti etiam defensore habeo Ambrosium in Evang. Luc. c. 9. dicentem Petra est Christus etiam discipulo suo hujus VOCABULI gratiam non negavit, ut & ipse sit Petrus, quod DE PETRA habeat soliditatem constantiæ, FIDEI FIRMITATEM. Consentit & Leo IX. epist. 1. ad Michael. Patriach. constan. c. 7. Realiter sancta Ecclesia super Petram, id est, Christum, ET SUPER PETRUM, vel Cepham. filium Joannis, qui prius Simon dicebatur, ADIFICATA, quia inferi portis, disputationibus scilicet hereticorum, quæ vanos ad interitum introducunt, nullatenus foret superanda, sic pollicetur ipsa veritas, per quam sunt vera, quacumque sint vera. Porta inferi non prævalebit adversus eam. Cujus promissionis EFFECTUM se precibus impetrasse à patre idem filius protestatur dicendo ad Petrum: Simon ecco satanas expetivit vos, ut cribraret sicut triticum, ego autem rogavi pro te, ut non deficiat fides tua: & tu aliquando conversus confirma fratres tuos. ERIT ERGO QUISQUAM TANTA DEMENTIÆ, QUI ORATIONEM ILLIUS, Cujus VELLE EST POSSE, AUDEAT IN ALIQUO VACUAM PUTARE. Non erunt ex credentibus, quod a SEDE PRINCIPIS Apostolorum, Romana scilicet Ecclesia, TAM PER EUNDEM PETRUM, QUAM PER SUCCESSORES SUOS REPROBATA, ET CONVICTA, ATQUE EXPUGNATA SUNT OMNIUM HERETICORUM COMMENTA, ET FRATRUM CORDA IN FIDE PETRI, QUÆ HACTENUS NEC DEFECIT, NEC USQUE IN FINEM DEFICIET, SUNT CONFIRMATA. Vide qui-

bus subscribamus, dum nec ab Augustino vel ad latum unguem recedimus. Depone ergo tuum infundatum metum, quo vereris nobis displicere Augustini auctoritatem: Vanum timorem in homine, qui Augustini professorem se exhibet! an caligaverunt oculi tui? an annosum cerebrum nimia, & forte importuna vexatione tritum, & memoria devastata te immemorem reddidit Sermonis 5. in Festo Apostolorum & præcedit is de Sanctis? ubi hæc habet, *hic est quoque beatus Petrus in illa celestium discipulorum schola præcipuus, ac primus idoneus, qui verba vita ex Christi ore suscipiens per Evangelii potestatem Judæorum gentem perditam quæreret, & abdicatos ad hereditatem vocaret, INTERPRES LEGIS, assertor gratiæ, destructor Synagoga, ECCLESIAE REPARATOR, & ideo SOLUS inter Apostolos meruit audire, quia TU ES PETRUS, ET SUPER HANC PETRAM AEDIFICABO ECCLESIAM MEAM, dignus certè, qui AEDIFICANDIS IN DOMO DEI POPULIS, ESSET FUNDAMENTUM, COLUMNA AD SUSTENTACULUM, CLAVIS AD REGNUM.* Quam igitur causam habes verendi, ne nobis Augustini displiceat auctoritas? an forsan etiam alios Patres nobis adversari existimas? non puto: fateor tamen quod doceat S. Anselmus Matth. 16. in hunc modum (ecce quomodo te præveniendò adjuvem) *tu es Petrus, & super hanc Petram id est SUPER ME aedificabo Ecclesiam meam*: noli hic iterum nobis mutuere, quia se nobis non adversari nimis clare se ipsum explicat Anselmus dicens, SIC ES PETRUS A ME PETRA, ut tamen mihi reservetur FUNDAMENTUM (subaudi principis ut patet ex sequentibus) dignitas; sed tu, cui ego, ut amatori, & confessori meo PARTICIPIUM MEI NOMINIS DEDI, *super me fundamentum* (primarium) *mundos lapides ORDINABIS, & reprobos REMOVEBIS.* Visne clariorem hujus D. Anselmi mentis explanationem? lege, quod sequitur, quare scilicet ipsum principem Apostolorum, & vicarium suum constituerit, non alium in finem, nisi, ut per definitiones suas infalibiles, dissentientia Ecclesiæ membra ad se recurrentia indissolubiliter reuniret, & scismatum fisaniam suffocaret. Audi clarissima ejus verba loquentis de potestate ligandi, & solvendi præ aliis Petro concessa. *Notandum est, quod hac potestas, non solum Petro data est, sicut Petrus unus pro omnibus respondit, sic in Petro omnibus hanc potestatem dedit; unde post passionem dictum est, quorum remisieritis peccata, &c. nec solis Apostolis, sed etiam Episcopis, & presbyteris hac potestas concessa est: sed idèd quasi UNI PETRO EAM CONCESSIT SPECIALITER ut ad unitatem nos invitaret: IDEO enim EUM PRINCIPEM APOSTOLORUM instituit, ut Ecclesia, quasi UNUM PRINCIPALEM VICARIUM CHRISTI HABERET, ad quem diversa Ecclesia membra RECURRENT, si forte inter se DISSENTIRENT quoniam si diversa essent capita in Ecclesia, unitatis vinculum rumperetur*

per

per DIVERSA SCISMATA. Ibidem. Quid clarius? unde sibi constans hic S. Pater, eo usque agnovit Pontificis infalibilitatem, ut opusculo de incarnatione verbi c. 1. in hæc verba prorumpat. DOMINO PATRI UNIVERSÆ ECCLESIAE PEREGRINANTIS SUMMO PONTIFICI *Urbano frater Anselmus, &c.* quoniam divina providentia vestram elegit sanctitatem, cui VITAM, ET FIDEM CHRISTIANAM CUSTODIENDAM, ET ECCLESIAM SUAM REGENDAM COMMITTERET: AD NULLUM ALIUM RECTIUS REFERTUR, SI QUID CONTRA CATHOLICAM FIDEM oritur in Ecclesia, ut ejus AUTHORITY CORRIGATUR, nec ulli alii TUTIUS, si quid contra errorem responderetur, ostenditur, ut ejus prudentia examinetur. Sic ergo revereamur Petri definitionem, ut à nullo rectiorem, & tutiorem expectare possimus ipsi enim soli hæc prærogativa debetur, hinc est, ut cum PETRUM, nomen videlicet, hoc audiamus, non substantiam ejus intelligamus (dico autem substantiam materiale illud subiectum, quod eo nomine nequaquam significatur,) sed earum PROPRIETATUM, quæ circa ipsum inspicuntur, sensum concipimus. Et quæ sunt Petri proprietates? quod ex piscatore in Apostolatus ministerium vocatus est, qui quoniam fide præstabat, ECCLESIA SIBI COMMISSAM ÆDIFICATIONEM suscepit. Nomen itaque characterem quidem nobis Petri circumscribit, ipsam vero substantiam nequaquam. S. Basil. l. 2. adv. eunom. nec ex suo cerebro hunc Petro characterem adscribit Basilius, sed ex ipso Christo illum Petro adscribente didicit, ut testatur S. Ephraem l. de sacerdotio dicens, Petrus dictus cephas à magno testimonium accepit pastore, SUPER HANC PETRAM ÆDIFICABO ECCLESIAM MEAM. Vides ergo & vidisti in prima mea epistola, quibus testibus innixus Petrum Ecclesiæ fundamentum nuncupaverim fulcrum meum desumens ex hoc Christi ad Petrum dicto, tu es Petrus & super hanc Petram ædificabo Ecclesiam meam, sed & amplius ex his jam citatis, & aliis citandis omni populo Christiano manifestam faciam hanc veritatem, & simul Pontificis in rebus fidei definiendis auctoritatem infalibilem ostendam.

Visne Paulum ipsum testem? audi Hieronymum in apolog. ad vers. rufinum nonne Paulus in faciem Cepha restitit, quod non recto pede incederet in Evangelio, & tamen PCÆSOREM SUUM, ET COLUMNAM ECCLESIAE vocat, & exponit cum eo PRÆDICATIONEM, NE IN VACUUM CURRET, AUT CUCURRISSET. Illum sequitur Ambrosius de virg. l. 3. Petrus vir sapiens & gravis, in quo esset ECCLESIAE FIRMAMENTUM, ET MAGISTERIUM DISCIPLINÆ tanta præditus in Ecclesia eminentia, ut ubi ipse esset ipsa Ecclesia esse dicatur, audi ergo eundem in psalm. 40. cadit Christus super resurrecturos Christus super PETRAM (nonne hæc Petra Petrus est? non enim est Christus, alioquin super seipsum caderet) Christus super Ecclesiam. Audi quo-

modo super ECCLESIAM cadat retro erat Petrus , & sequebatur eum , cum à Judais ad Caipha domum Synagoga principis duceretur : IPSE EST PETRUS , cui dixit , tu es Petrus , & super hanc Petram edificabo Ecclesiam meam , UBI PETRUS IBA ECCLESIA , ubi Ecclesia ibi nulla mors , sed vita aeterna , & ideo addidit , & porta inferi non praevalerunt ei , & tibi dabo claves regni caelorum. B. Petrus , cui non inferorum porta praevaluit , non caeli porta se clausit : sed è contrario destruxit inferni vestibula , patefecit caelestia , in terris itaque positus , caelum apernis , inferos clausit. Quid manifestius Pontificis declarat infalibilem auctoritatem ? vel ipse fateris Ecclesiam esse veritatis columnam : cur ergo eandem praerogativam Pontifici non ad scribis , cum ex Ambrosii sententiâ ipse Petrus sit ipsa Ecclesia ? ubi Petrus definit , Ecclesia definit : atqui Ecclesia definit infalibiliter ergo Petrus definit infalibiliter. Unde quia Petrus habuit coronam fidei in psalm. 18. ideo ei dicitur duc in altum , hoc est in profundum disputationum generationis divina. Serm. in Dom. 5. post Pentec. cujus tanta est in disputationibus decidendis profunditas , ut non nisi in ejus classe infalibilitas sit invenienda , quia hanc solam Ecclesia navem ascendit Dominus , in qua PETRUS MAGISTER est constitutus , dicente Domino super hanc Petram edificabo Ecclesiam meam. Ibid. unde Serm. 6. de obitu Theodosii exclamat , rectè igitur quia Petra Christus , Simon nuncupatus est Petrus , ut qui cum Domino fidei societatem habebat , cum Domino haberet , & NOMINIS DOMINICI UNITATEM , ut sicut à Christo Christianus dicitur , ita & à Petra Christo Petrus Apostolus nuncuparetur. Anne solo nomine Petrus Ecclesiae Petra dicitur , sicut nos nomine sumus Christiani à Christo sic dicti , ita & Petrus à Petra Christo solo nomine Petra nuncupatus , & sicut in nobis reipsa non est infalibilitas , & participata cum Christo paritas , ita & in Petro reperienda non sit ? nequaquam , sed quia quaecumque dixit ipse facta sunt , & quaecumque mandavit creata sunt , ita & Christi dicere Petrum veram Ecclesiae Petram , fecit , & creavit. Non meam hic audis , sed Hieronymi sententiam Matth. 16. dicentis : quid est , quod ais , & ego dico tibi ? quia tu mihi dixisti tu es Christus filius Dei vivi , & ego dico tibi NON SERMONE CASSO , QUIA MEUM DIXISSE FECISSE EST : quia tu es Petrus : & super hanc Petram edificabo Ecclesiam meam. Sicut ipse lumen Apostolis donavit , ut lumen mundi appellarentur , ceteraque ex Domino sortiti sunt vocabula : Ita & Simon , qui credebatur in Petram Christum , Petri largitus est nomen ac secundum metaphoram Petra rectè dicitur ei , AEDIFICABO ECCLESIAM MEAM SUPER TE. Hic ergo Christus certè asseverat , ac dicendo facit , & constituit Petrum , ut post se sit Petra Ecclesiae , & decreto immutabili stabilit. quod super nullum alium aedificabitur Ecclesia sua : hic implet , quod ipsi promiserat Christus Joan. 1. dicens tu vocaberis Cephas ,

quod vocatur Petrus, hic, inquam, promissum præstat, ac re ipsa ei nomen Petrus indit, & designat Ecclesiæ fundamentum. Unde Synodus Ephesina act. 3. recte eructat in hæc verba: *ter beatissimus, & omni laude dignus Petrus Apostolus, qui est Petra & crepido Catholica Ecclesia, RECTA FIDEI FUNDAMENTUM.* Hinc ait Leo Papa IX. epist. citata. *Petro non per Angelum, nec per Prophetam, sed proprio ore ipse Dominus Angelorum, & prophetarum sic repromittit insequentibus, & ego dico tibi, quia tu es Petrus & super hanc Petram adificabo Ecclesiam meam quod utique devotissimus ille Petrus non solum vivens, sed etiam moriens demonstravit, quando nimia humiliare, & congruâ significatione se crucifigi deorsum verso capite petivit: profectio divina inspiratione præfigurans, SESE ESSE PRIMUM, ET QUADRUM LAPIDEM in fundamento, quod est Christus Jesus compaginatam. Coharentem, atque connexum, qui utpote superpositus angulari lapidi, TOTUM PONDUS ECCLESIASTICÆ FABRICÆ INCORRUPTIBILI SOLIDATE SUFFERRET, ac proprii capitis suppositione OMNIA MEMBRA corporis Christi, per aptas, & naturales compages usque ad consummationem sæculi, quasi usque ad pedes crescentia INFLEXIBILI COLLO ad calos sustolleret.* Habes conciliorum habes SS. Patrum, quorum testimoniâ ut Theologiæ armentaria non diffiteris admittere: accipe & Pontificum tam Gratorii VII. majorum (ad quos provocasti) quam successorum hinc inde dispersa decreta.

In capite libri scribatur Clemens Papa I. in epist. 1. ad Jacobum fratrem Domini in qua dicit. *Simon Petrus, qui vera fidei merito, & integra predicationis obtentu, FUNDAMENTUM ESSE ECCLESIAE DEFINITUS EST, qua de causa etiam Domini ore divino cognominatus est PETRUS in conventu fratrum positus, apprahensâ manu meâ repente consurgens in auribus Ecclesia hac protulit verba, audite me fratres, & conservi mei, Clementem hunc Episcopum vobis ordino, cui soli mea predicationis, & doctrina cathedram, trado. Ipsi trado à Domino mihi traditam potestatem ligandi, & solvendi, ut DE OMNIBUS, QUIBUSCUMQUE DECREVERIT IN TERRIS hoc decretum sit & in calis. ligabit enim, quod oportet ligari, & solvet, quod expedit solvi, tamquam QUI AD LIQUIDUM ECCLESIAE REGULAM NOVERIT, IPSUM ERGO AUDITE, scientes, quia quicumque contristaverit DOCTOREM VERITATIS, PECCAT IN CHRISTUM, propter quod & vita carebit, ipsum autem, QUI PRÆEST CÆTERIS, oportet medici vicem agere, & non fera bestia furore commoveri.* Huic jungatur Anacletus Papa epist. 1. quod si DIFFICILIORES orta fuerint QUÆSTIONES, aut Episcoporum, vel majorum Judicia, aut majores causa fuerint, AD SEDEM APOSTOLICAM (si appellatum fuerit) referantur, quoniam Apostoli hoc statuerunt jussione Salvatoris, ut MAJORES ET DIFFICILIORES QUÆSTIONES

SEMPER AD SEDEM DEFERANTUR APOSTOLICAM, SUPER QUAM CHRISTUS UNIVERSAM CONSTRUXIT ECCLESIAM (siste parum, & reflecte quomodo univēsa Ecclesia, secundum te per concilium repræsentata, super cathedram Petri constructa sit, nitatur, & ab ipsâ dependeat) dicente ipso ad beatum principem Apostolorum Petrum, tu es, inquit, Petrus & super banc Petram edificabo Ecclesiam meam. Et epistolâ tertia. Si qua vero causa difficiliore inter vos orta fuerint, AD HUIUS S. SEDIS ASPICEM, eas, quasi AD CAPUT referte, ut Apostolico TERMINETUR iudicio, quia sic Dominum velle ab eoque: ita constitutum esse, antedictis testimoniis declaratur. Si Pontificis iudicio terminetur causæ decisio, ergone nulla datur ulterior appellatio? nullam dari iudico; vel, si fallar, latinicatem non intelligo: de hoc postea ad rem præsentem redeamus, infalibilemque Pontificis auctoritatem amplius stabiliamus. Audi Lucium ad Episcopos Galliæ & Hispaniæ. Felicem 1. epistola 3. Marcum in epist. ad Athanas. & ægypt. hi summi Pontifices uno ore eisdem verbis, eodem tenore debuccinant, hac S. & Apostolica MATER omnium Ecclesiarum Christi Ecclesia, qua per Dei omnipotentis gratiam A TRAMITE APOSTOLICÆ TRADITIONIS NUMQUAM ERRASSE probatur, nec hæreticis novitatibus depravata succubuit, sed ut in exordio normam fidei Apostolica percepit ab authoribus suis Apostolorum Christi principibus illibata finctenus manet, secundum ipsius Domini salvatoris divinam pollicitationem qui Discipulorum suorum PRINCIPI in suis factus est Evangeliiis, Petre, inquires ecce satanas expetivit, ut cribraret vos sicut qui cribrat triticum; ego autem prote rogavi, ut non deficiat fides tua, & tu aliquando conversus confirma fratres tuos, Dominus & salvator omnium, cuius fides est, qui pro nobis mori non dubitavit, & proprio nos suo redemit sanguine FIDEM BEATI PETRI NON DEFECTURAM PROMISIT, ET CONFIRMARE EUM FRATRES SUOS ADMONUIT, quod APOSTOLICOS PONTIFICES mea exiguitatis PRÆDECESSORES CONFIDENTER FECISSE semper cunctis est cognitum. Hinc Caius Papa in sua Decretali ait illud statuentes vobis, & omnibus servare mandamus, quæcumque difficiles quæstiones per singulas provincias exorta fuerunt, semper AD SEDEM APOSTOLICAM REFERANTUR. Hinc ibidem laudans confidentialem de dubiis quæstionibus ad sedem Apostolicam accessum inquit de hoc quod necdum plena luce claruerit, ad eundem fontem, de quo ea salutaris manavit lympha, recurritis. Id est, quod debita charitate sumus amplexi: nec immeritò, quia hoc prædecessores nostros multarum regionum Episcopis egisse liquet, inquit, Fabianus Papa epist. 2. Idque fecerunt non ex arrogata sibi auctoritate, sed ut inquit Dionysius Papa; OLIM ET AB INITIO tantam percepimus à B. Petro Apostolorum principe fiduciam, ut HABEAMUS AUCTORITATEM universali Ecclesia auxiliante Domino subvenire, & quidquid nocivum

novum est AUTHORITY APOSTOLICA corrigere & emendare. Hanc suam & suorum prædecessorum auctoritatem non minus perspectam habuit Felix I. epist. 3. *suscipientes fraternitates tua epistolas, quibus me requisisti SUPER FIDEI DOCUMENTIS, quæ ab aliis habeantur aliter, quam rectæ fidei contineant Sacramenta, prout Dominus dedit pro fraternitatis amore respondere non resutavimus, SEMPER ENIM DUBIA, ET MAJORA NEGOTIA TERMINUM AB HAC S. SEDE, à tempore Apostolorum qui eam suis documentis instruxerunt, ACCIPERE CONSUEVERUNT & ideo tu rectè fecisti, quod hujus S. Sedis consultis, te ceterosque firmari & instrui voluisti. Superledeo à Pontificum relatione, omnes enim sibi in hac re adeo constantes, & unanimes sunt, ut super vacaneum foret alios adjungere unus tamen citatorum agmen concludat Calistus I. in decretali ad Benedict. Episc. & habetur d. 12. c. non decet. ubi tanta Pontificum resolutiones evēhēnētia, ut præter ejus assensum cætera omnia definita irrita esse Pontificali asserat libertate: lege verba. *Fraternitatis amore confringimur, & Apostolico moderamine convenimur, ut CONSULTIS FRATRUM (prout Dominus dederit) RESPONDEAMUS, eosque Apostolica sedis AUTHORITY INSTRUAMUS.* Non decet enim A CAPITE membra disfidere, sed juxta S. Scriptura testimonium, omnia membra caput sequantur, nulli vero dubium est, quod APOSTOLICA ECCLESIA Mater sit omnium Ecclesiarum, à cujus regulis nullatenus vos convenit deviare, & sicut Dei filius venit facere voluntatem patris, sic & vos voluntatem vestra impleatis Matris, quæ est Ecclesia, cujus caput (ut prædictum est) ROMANA EXISTIT ECCLESIA: quidquid ergo sine discretionē justitiæ contra hujus disciplinam actum fuerit, RATUM HABERI ratio nulla permittit. Etenim olim & ab initio tantum præstat præ cæteris in Ecclesia summus Pontifex, ut habeamus auctoritatem pro universali Ecclesia ad RECTAM DEFENDENDAM FIDEM, liberius Epist. 13. non concionando tantum, aliisque similibus subsidiis, sed & infalibili in rebus fidei definitione, tam solida siquidem & inconcussa est Pontificis resolutio, ut ETUS TERRESTRE JUDICIUM PRÆJUDICATA AUTHORITY SIT IN CÆLO, ut quæ in terris, aut ligata sint, aut soluta, statuti ejusdem conditionem habeant in cælo. S. Hilar. in c. 16. Matth. Pontificem igitur ut infalibilem magistrum revereamur, & hunc SI MAGISTRUM, & primum Apostolorum, NON OPORTET INSCRIBERE, multo magis eos qui nihil sunt; sic exclamat Chrysost. hom. 3. in 1. c. 1. ad cor. Pontificis enim auctoritas ex ejusdem sententia tanta est auctoritas, ut possit QUÆ DEUS SOLUS concedere potest, scilicet, ut Ecclesia, tot tantisque fluctibus impetu irruentibus IMMOBILIS maneat, cujus PASTOR, ET CAPUT piscator homo, atque ignobilis terrarum orbe reluctante, adamantis naturam firmitate superet, hæc, inquam, omnia, quæ*

SOLIVS DEI SUNT, se pollicetur daturum in Matth. 13. hom. 55. imò & jam dedit dum dixit *pasce oves meas*, etenim, qui ante lachrymas pevaricator exstiruit, post lachrymas pastor assumptus est, & alios regendos accepit. Ambr. serm. fer. 4. hebdom. S. Regendos, inquam, accepit, idque tantâ præstantiâ, ut in rebus fidei sit Christianorum dux, Doctor, & Magister infalibilis, quæ si ei statim (ab initio sui Apostolatus) dedisset Christus; NUMQUAM IN EO PRÆVE CONFSSIONIS ERROR INVENISSET LOCUM. Hieron. in 16. Matth. cum jam constet & probatum sit ei datum esse, dicamus intrepidè *numquam in eo prava confessionis error inveniet, vel invenit locum*. Siquidem ille SUMMAM TENERE FIDEI pronuntiatus est, qui & Dei filium cognovit, & hominem non negavit. Ambros. l. 4. in Evang. Luc. hinc est, quod omnis Christianus, qui SUSCIPIT VERBUM PETRI thronus sit Petri, & Petrus sedet in eo Chrys. hom. 22. ex variis in Matth. densam hanc testium omni exceptione majorum nubem, quis dissipabit? agnoscat ergo omnis Christianus Petrum ejusdemque successorem quemcumque ut fundamentum Ecclesiæ, sed fundamentum fundatum, verum etiam non recuset Christum honorare ut fundamentum primarium, etenim, UBI CHRISTUS NON EST FUNDAMENTUM, nullum boni operis est superadificium; jam videndum est de iis, qui superadificant aurum, & argentum, & lapides pretiosos sanctitatis scilicet, DOCTRINÆ FIDEI; &c. ARCHITECTI FUERE SUMMI PONTIFICES, cooperatores Christianissimi imperatores S. Antonin. c. 22. de Maria Magdalena, & Martha. Nulla igitur est repugnantia quod Petrus sit Ecclesiæ fundamentum, & nihilominus sit & Christus cum distinctione tamen primarii & secundarii; sicut non est repugnantia, quod Christus sit rex regnum, & Dominantium, & nihilominus Rex Ludovicus sit verus Galliarum Rex Christianissimus, & re, & nomine. (Novit hoc totus mundus) Illustrissime Domine si vestrum argumentum concludat Petrum non esse Ecclesiæ fundamentum & eo quod Augustinus dicat Christum esse Ecclesiæ fundamentum, profecto numquid eodem argumentandi genere concludere possum Regem Galliarum Ludovicum non esse verum Galliarum Monarcham, cum constet Christum totius mundi esse Monarcham consequenter & Galliarum? numquid consequentiam meam negabis? eliges mihi respondere, negabo, alioquin Galliarum Regis aulæ cedere deberes. Quamcumque ergo ad hanc paritatem assignaveris disparitatis umbram, eam continuo in utroque casu urgebo, & cogam te vel invitum Petrum Ecclesiæ fundamentum proclamare, non enim potest Domini nostri Jesu Christi prætermitti sententia dicentis TU ES PEERUS, ET SUPER HANC PETRAM ADIFICABO ECCLESIAM MEAM, & quæ dicta sunt rerum prabatur effectibus, quia IN SEDE APOSTOLICA EXTRA

MACULAM SEMPER EST CATHOLICA SERVATA RELIGIO. Eusebius Papa Epist. 3. Vides hic iterum utrumque probatum Petrum scilicet esse Ecclesiæ fundamentum (& quidem *ex Christi sententia*) & Petri & successorum ejus in fide soliditatem, quos ideo Dominus *ad fastigium sacerdotale provexit, ut mandatis ipsius inhaerentes, in quadam sacerdotum ejus specula constituti* PROHIBEAMUS ILLICITA, ET SEQUENDA DOCEAMUS. Sic Pontifices loquentes inducit Marcellus Papa epist. 1. & habetur 24. q. 1. c. rogamus. De hoc satis, ad alia me convertō.

Attentius, fateor, perlegi quod ex iis, quæ hæcenus impugnavi, mihi contradictoriis colligis, & his verbis exprimis. *Duo colligimus: alterum non in unum Petrum collatam esse regendi potestatem: alterum Episcopos esse verè Apostolorum successores: cum enim dicat Ambrosius nobiscum oves, suscepisse vos in Apostolis agnoscit, quia succedimus Apostolis.* (Hæc adhuc sano sensu intellecta, sano sensu à te scripta suspicor) *hinc insignis B. Ambrosii discipulus B. Augustinus, Magistrum pluribus in locis secutus. quidquid Petro videtur singulariter attributum, cæteris Apostolis. atque adeo eorum successoribus dictum docet. Longe ante Ambrosium idem senserat Cyprianus.* Vereor profecto non sano. sensu hæc ultima à te allegari, non imputo tamen pertinaciæ sed malæ intelligentiæ vel meæ, vel vestræ: utinam ego. errem! si intelligas quod, quæ Petro singulariter dicta sunt, cæteris Apostolis, eorumque successoribus dictum sit per distributionem accommodam servata majori Petro præ cæteris Præferentia, superioritate; imò & aliorum in pascendo Dominico grege à Petro dependentià eò sensu intellecta, quò jam ante ex SS. Patribus demonstravi, congratulor, & acquiesco. Si vero intelligas Apostolis eorumque successoribus eodem modo dictum esse, quo Petro dictum est, profecto dissentio, maxime si parem putes Apostolos eorumque successores habere in oves Christi potestatem cum Petro ejusque successoribus: hoc enim jam dudum ex SS. Patribus convici falsissimum: Iterum dico utinam errèm hanc esse vestram opinionem! sed suspicio mea eo altius excrescit quo plenius reflectam ultimæ vestra verba, *longè ante Ambrosium idem senserat S. Cyprianus, & locum addis ex libro de unitate Ecclesiæ: vis scire quare meâ suspicio excrescat? ratio est quia scio quod ex hoc loco Cypriani quidam traxerunt Cathedram Sancti Petri, in qua huc usque successionis ordine sedent Romani Pontifices; Cathedris aliis non esse præferendam, aut potestate superiore, sed pertinaciter affirmabant quemlibet Episcopum jure divino in sua Dioecesi supremum esse, nec unum alio superiorem, quasi singulis æqualem dederit in oves Christi potestatem.* Hæc refert Lælius Jordanus Episcopus Acernensis in suo tractatu de Romanæ sedis origine & potestate adversus jam præfatos jussu

Pii IV. edito. Quia, inquam, verba vestra videntur eorum sensum redo-
 re, & omnes eorum probas antea assumpsisti, vereor, nè ipsorum opinioni
 subscripseris: sed tamen tibi non ausim adscribere titulos, quibus ipse illos
 diffamat, dicens illorum opinionem esse in fraudem adducentem, Catholicæ
 Religioni contrariam, Diabolico potius quàm divino spiritu interpretantem
 loca Scripturæ, &c. Hæc inquam tibi adscribere non ausim, quamvis eorum
 opinioni materialiter subscripsisses; potes enim deceptus esse, & putasse te ve-
 rum Cyprianum legisse, ubi tamen fortè legeris Cyprianum ab illis malevolis
 in hunc modum detortum *ut unus est Dominus, una fides, unum Baptisma, unus
 Deus, ita Episcopatum quoque, id est dignitatem & POTESTALEM EPISCOPA-
 LEM, unum ac indivisum panes singulos in solidum esse oportere.* Indè arguentes
 sub uno summo Episcopo Christo unico capite, & sponso unicæ Ecclesiæ
 potestatem esse in solidum pænes quemque Episcopum. Hoc itaque errore ab-
 ductus (si talis sit vestra opinio) hanc opinionem defendendam suscepisti:
 sed fœcem hanc ex mentis vestræ oculis purgabit vulgata, & correctæ Cypri-
 ani lectio, quæ sic sonat. *Unus Dominus, una fides, unum Baptisma, unus Deus,
 quam unitatem firmiter tenere, & judicare debemus, maxime nos Episcopi, qui in
 Ecclesia præsidemus, Episcopatum unum, & indivisum probemus. Nemo fraterni-
 tatem mendacio fallat, nemo fidei veritatem perfida pravariatione corumpat, Epis-
 copatus unus est cujus à SINGULIS IN SOLIDUM PARS TENETUR.* Non ergo
 vestræ (si tamen vestra sit) vel illorum sententiæ Patronus est Cyprianus,
 multo minùs alii SS. Patres, ad quos ante citatos te remitto.

Quàm acriter torserit Pontificum impugnatores hic Cypriani liber, ipsimet
 testati sunt, dum doctrinam sanam averfantes apud Hæreticos Scriptores lati-
 bulum inquirentes (uti manifestè ostendit sagacissimus veritatis indagator,
 adversus fraudulentos, & manifestos hostes murus, & antè murale, Amplissi-
 mus D. Petri Lovanii Decanus, ac in eadem Academia doctoratùs laureà de-
 coratus D. du Bois; dum agit contra Clientem vestrum Ægidium de Witte)
 coacti fuerint textum Cypriani truncare, mutilare, invertere, pervertere. O
 scandalosos veritatis fictæ defensores! fateor necesse est, ut veniant scanda-
 la: væ autem homini illi per quem scandalum venerit, expedit ei, ut mola
 asinaria collo appexa mergatur in profundum maris. Adducam ego eos ad
 profundum doctrinæ Cypriani mare, eique immergam illos, & quidem, ut
 submergantur, nisi sententiam suam abjurent: sed spero meliora, imò &
 optima, in tantum, ut cælesti Cypriani doctrinæ pabulo sanati, enutriti,
 vegetesque effecti, ad ovile Dominicum sub uno in Ecclesia capite Sum-
 mo Pontifice, *necessario Christianorum consiliario*, solo in terris infalibili
 Magistro, universalis Ecclesiæ Pastore, à scabie sua sanati, ut cæteræ

oves sanę Pastoris sui pascua depascentes . vocem ejus audire , agnoscere , sese dirigi , eamque sequi non dedignaturi sint . Ecce movetur , imo mota est aqua profundi Cypriani Maris , non solum , qui prius ingressus fuerit , sed & omnes qui ingredientur eam sanabuntur . Venite ergo filii Ecclesię , & audite inconvulsam D. Cypriani doctrinam : audite quomodo nostrum fidei Magistrum exaltet , audite quomodo de SOLO Summo Pontifice Christi in terris Vicario dicat , quod coerceat diabolus , qui secundum Apostolum transfigurat se in Angelum lucis , & ministros subornat suos , velut ministros justitię , afferentes noctem pro die , interitum pro salute , desperatioem sub obtentu spei , perfidiam sub prætectu fidei , Antechristum sub vocabulo Christi , ut dum verisimilia mentiuntur , veritatem subtilitate frustrentur : hoc eo fit , fratres dilectissimi , (ecce originem & causam malarum , hæreticarumque opinionum) DUM AD VERITATIS ORIGINEM NON REDITUR , NEC CAPUT QUÆRITUR , NEC MAGISTRI CÆLESTIS DOCTRINA SERVATUR . Quæ si quis consideret , & examinet tractatu longo , & argumentis opus non est . Probatum est ad fidem facilis compendio veritatis . Loquitur Dominus ad Petrum : EGO DICO TIBI , inquit , QUIA TU ES PETRUS , ET SUPER ISTAM PETRAM ÆDIFICABO ECCLESIAM MEAM , ET PORTÆ INFERORUM NON VINCENT EAM : ET TIBI DABO CLAVES REGNI CÆLORUM , ET QUÆ LIGAVERIS SUPER TERRAM , ERUNT LIGATA ET IN CÆLIS , ET QUÆCUMQUE SOLVERIS SUPER TERRAM ERUNT SOLUTA ET IN CÆLIS . Et iterum eidem post resurrectionem suam dicit PASCE OVES MEAS . Et quamvis Apostolis omnibus post resurrectionem suam parem potestatem tribuat , & dicat sicut misit me Pater , & ego mitto vos , accipite spiritum S. si cui remiseritis peccata remittuntur illi , si cui tenueritis , tenebuntur : tamen ut UNITATEM manifestaret , UNAM CATHEDRAM constituit , ET UNITATIS EJUSDEM ORIGINEM AB UNO INCIPIENTEM SUA AUTHORITATE DISPOSUIT . Hoc erant utique & ceteri Apostoli , quod fuit Petrus pari consortio pradi , & honoris , & potestatis ; sed EXORDIUM AB UNITATE PROFISCISCI . PRIMATUS PETRO DATUR UT UNA CHRISTI ECCLESIA ET CATHEDRA UNA monstretur . Et pastores sunt omnes , sed grex unus ostenditur , qui ab Apostolis omnibus unanimi consensione pascatur , quam unam Ecclesiam etiam in cantico canticorum spiritus S. ex persona Domini designat , & dicit , una est columba mea , perfecta mea , una est Marri sue , electa genitrici sue : hanc Ecclesia unitatem , qui non tenet , tenere se fidem credit ? qui Ecclesia renitur , & resistit , qui CATHEDRAM PETRI SUPER QUAM FUNDATA EST ECCLESIA DESERIT , IN ECCLESIA SE ESSE CONIDIT ? Ad hanc non mutilam , non perversam Cypriani textus citationem obmutescant infalibilitatis Pontificiæ impugnatores ; obmutescant , inquam , dum audiunt , nihil veri dici , sed omnia falsa , & hæretica proferri , vel ad minus (si

malint, quod si loquar, falsitati obnoxia esse, dum ad veritatis originem non reditur, nec caput quaritur, nec Magistri cœlestis doctrina servatur. Quem Magistrum, veritatis originem, & caput probat Cyprianus esse Petrum, & per consequens omnes ejus successores his verbis : loquitur Dominus ad Petrum : ego tibi dico, inquit, quia tu es Petrus, & super istam Petram ædificabo Ecclesiam meam, & porta inferorum non vincet eam. &c. nec una contentus Cyprianus proba ex scriptura desumpta, sed & aliam subtexit dicens, iterum eidem post resurrectionem suam dicit pascere oves meas, SUPER ILLUM UNUM ÆDIFICAT ECCLESIAM SUAM, ET ILLI PASCENDAS MANDAT OVES SUAS. Audiant hæc & intelligant concilii supra Pontifices propugnatores, & discant ex Cypriano, quomodo Domini non super se ipsum tantum, sed & super illum unum Petrum ædificet Ecclesiam suam, & simul concludant Ecclesiæ infalibilitatem, non à concilio per ipsos Ecclesiam repræsentante, neque à Christianis per orbem dispersis, sed à Petri Successorumque ejus soliditate dependere sicut ædificium dependet à fundamento, quo perdurante stat ædificium, quod sublato ruit, sicut & rueret Ecclesia si Petri soliditas ex cathedra loquentis vacillaret, quod impossibile est, imò tanta ejus est in fide soliditas, ut exortem se ministerii intelligeret esse divini, qui ausus fuisset à PETRI SOLIDITATE recedere. d. 19. c. ita Dominus quin imò tanta est Pontificis in docendo auctoritas ut quicumque aliquid, quod ab Ecclesia nondum definitum, vel in scripturis revelatum est, tamquam de fide credendum proponere ausi fuerint, sine Romani Pontificis consultatione, approbatione, & decisione sese periculo errorem docendi exponant. Quod dixi probo : illi periculo eroneè docendi se exponunt, qui ad veritatis originem non redeunt, nec caput quærunt, nec magistri cœlestis doctrinam servant, atqui qui aliud nondum ab Ecclesia definitum vel in scripturis revelatum, ut de fide credendum proponere audent sine Romani Pontificis consultatione, approbatione, & decisione ad veritatis originem non redeunt, nec caput quærunt, nec magistri cœlestis doctrinam servant, ergo periculo eroneè docendi sese exponunt. Majorem quis negabit? minor autem sic probatur. Magistri cœlestis doctrina est, quod Pontifex sit veritatis origo, caput visibile in terris, ejusque doctrina sit ipsius met magistri cœlestis, uti antea ex Cypriano probatum est, ergo illi, qui sine Romani Pontificis consultatione, approbatione, & decisione aliquid nondum ab Ecclesia definitum vel in scripturis revelatum, ut de fide credendum proponere audent ad veritatis originem non redeunt, nec caput quærunt, nec magistri cœlestis doctrinam servant. Et per consequens periculo errandi sese exponunt. Nec putes me hunc syllogismum pro particularibus tantum formasse. Minime gentium : verumtamen buccis apertis pronuntio, me etiam

ad Patres in concilio esto generali congregatos extendere; & si absit summus Pontifex etiam vocatus & accedere renuens Acephalum esse concilium, & quæ definiuntur errori obnoxia esse, etenim *qui acumenicum concilium vocari queat, quod nec ROMANUS ANTISTES, CITRA CUIUS AUTHORITATEM NULLO MODO FIERI POTEST, ut res Ecclesiastica ad normam dirigantur, GRATUM HABUIT?* S. Damasc. in vita Stephani. Segregant enim ipsi feleab eo, à quo nullo modo segregare se possunt, unde de ipsis scriptum est, *quicumque ab unitate fidei, vel SOCIETATE PETRI QUOLIBET MODO SEMET IPSOS SEGREGAVERINT, tales nec vinculis peccatorum absolvi, nec januam regni calorum possunt ingredi* 24. q. 1. c. quicumque.

At reponis, *suborta quacumque discepratione Christus non ad Petrum mittit, sed ad Ecclesiam. Dic Ecclesia, hoc Petro dicebatur sicut & ceteris: debet ergo successor Petri audire Ecclesiam, nisi velit haberi sicut æthnicus, & publicanus* (vach frigidum illud verbum! non intelligis sedem Apostolicam omnium Ecclesiarum esse MAGISTRAM, & reginam? quis te Pontificum judicem constituit, quorum SACRIS INSTITUTIS REGERIS? tenes illud sacrum oraculum nolite tangere Christos meos, & in Prophetis meis nolite malignari? quomodo judicas illos, qui solius Dei judicio sunt subiecti? adverte: SCIS, IN QUOD TE BARATHRUM PRÆCIPITARIS. Stephanus Papa in epist. ad Basilium Imp. utinam Romæ semel epistola vestra legatur! sperarem profecto justam Pontificis definitionem, (imò vererer doctrinæ damnationem) & sic non solum per epistolam meam, verum etiam per universæ Ecclesiæ consensum jure divino Pontificis decreto deferendum, Papa infallibilis in triumphum duceretur. Si semel Prophetarem quomodo gauderem, & multi mecum? interim claudatur parentelis & ad rem nostram transeamus, dum Româ definitionem præstolamur) *coram Petro etiam dicebat Christus se assutarum iu, qui in ejus nomine forent congregati.* Hactenus vestra verba sunt. Quibus non ego sed Cyprianus respondet dicens, *non te vanâ interpretatione decipias, quod dixerit Dominus ubicumque fuerint duo, vel tres collecti in nomine meo, ego cum eis sum: CORRUPTORES EVANGELII, ATQUE INTERPRÆTES FALSI externa ponunt, & superiora prættereunt, PARTIS MEMORES, ET PARTEM SUBDOLE COMPRIMENTES. Dominus enim, cum Discipulis suis unanimitatem suaderet, & pacem: dico, inquit, vobis, quoniam si duobus ex vobis convenerit in terra, de omni re quam petieritis continget vobis à patre meo, qui in calis est, ubicumque enim fuerint duo, aut tres collecti in nomine meo, ego cum eis sum ostendens NON MULTITUDINI, SED UNANIMITATI deprecantium multum tribui. Si duobus; inquit, ex vobis CONVENERIT in terra, UNANIMITATEM prius posuit, CONCORDIAM PACIS antè præmisit, ut CONVENIAT nobis fideliter, & firmiter docuit. loco citato. Quomodo possunt in nomine Christi colligi, qui dum conventicula*

sibi diversa constituunt , VERITATIS CAPUT ATQUE ORIGINEM (Romanum Pontificem) RELIQUERUNT. *ibid.* Quomodo Christus in medio eorum esse potest , qui a PETRI SOCIETATE SE SEGRAVERUNT, *nec vinculis peccatorum absoluti* , *nec januam Regni cœlorum ingredi possunt* ? Quomodo Christus assistet illis, qui sese ab ejus obedientia sequestrant, de quo dicitur in Concilio Nyceno Canone 39. desumpto ex Bibliotheca Marcelli secundi Romani Pontificis num. 44. *Veneramur secundum scripturas, & Canonum definitionem sanctissimum Romana, antiquaque Ecclesia EPISCOPUM PRIMUM ESSE ET MAXIMUM omnium Episcoporum. Ut autem cunctis ditionis sua Nationibus imperat Patriarcha; & leges indicit, & ut à principio Petrus Christi Vicarius, RELIGIONI ECCLESII, CÆTERISQUE AD CHRISTUM REBUS PERTINENTIBUS PRÆFECTUS, PRINCIPUM CHRISTIANORUM, PROVINCIARUM ET OMNIUM GENTIUM DOMINUS, & rector erat: ita ille cujus PRINCIPATUS ROMÆ EST, PETRO SIMILIS ET AUTHORITATE PAR, PATRIARCHARUM OMNIUM DOMINATUM ET PRINCIPATUM OBTINET. Huic sanctioni si quis repugnauerit, & obistere ausus fuerit, totius Synodi Decreto anathemati subijciatur.* Vide an hunc Canonem ex instituta deliberatione, & exquisitis Patrum votis non esse concinnatum, nec conciliariter editum asserere ausus fueris. O præclarum Canonem ! hic unicus, & solus, destruit omnia Epistolæ vestræ puncta, uti legentibus ad oculum patebit. Vide igitur, *Illu. D.* an talibus taliter congregatis sine Romani Pontificis esto accedere renuentis præsentia applicari possit (non enim ego applico ne censurare videar) Cypriani petitio, an qui *Cathedram Petri, super quam fundata est Ecclesia, deserit, in Ecclesia se esse confidit* ? Scio quid sentiam : in Ecclesia me esse confido, quia adhæreo ejus sententiæ quæ Summo Pontifici in persona Petri dixit, PASCE OVES MEAS, SUPER ILLUM UNUM ÆDIFICAT ECCLESIAM SUAM, ET ILLI PASCENDAS MANDAT OVES SUAS. An non oves Christi Patres in Concilio congregati ? ut quid ergo eos Petri cœlestis doctrinæ Pabulo nutriri non permittis, cum illi eos Dominus, ut oves pascendas mandet ? An qui oves Christi dispersas pascit congregatas pascere nequibit ? anne ordine inverso oves Pastorem suum pascent ? nescio ubi hoc didiceris. Fateor quidem Patres scilicet Episcopi & congregati, & dispersi Pastores sunt, populumque erudiendo Pastorum minus obeunt, sed doctrinæ papulum, non nisi ex Scriptura manifestè desumptum, vel ex Scriptura occulta, Pontificis manifestâ & infalibili definitione erutum ovibus proponunt, etenim Summus Pontifex ipse præficitur, ut ad ipsum *recurrent, si forte inter se dissentirent.* Ansel. 16. Matth. Pascunt & pascuntur, ut præclare D. Bern. 1. 3. de confid. c. 8. Eugenium Papam alloquens testatur his verbis, *sunt quidem & alii Cœli pascitores, & gregum Pastores, sed tu tanto gloriosius, quanto & differentius,*

differentius, utrumque praeter ceteris nomen hereditasti. Habent illi sibi assignatos greges, singuli singulos, tibi universi crediti, uni unus, Non modo ovium, sed et pastorum tu omnium pastor. Unde id problemat? ex verbo Domini? cui enim non dico EPISCOPORUM, sed etiam APOSTOLORUM sic absolute, et indiscrete totae commissae sunt oves. Si me amas Petre, pasce oves meas. Quas? illius populos civitatis, aut regionis, aut certi regnis, oves meas, inquit. Cui non planum, non designasse aliquas, sed assignasse omnes? nihil excipitur, ubi distinguitur nihil. Et forte praesentes ceteri condiscipuli erant, cum committens uni, unitatem omnibus commendaret in uno grege et uno pastore. Quis se alter ingerat PETRI PRÆROGATIVÆ? ergo juxta canones tuos alii in partem sollicitudinis, tu in PLENITUDINEM vocatus es POTESTATIS. Idque à Domino prudentissime ita dispositum est, quia, quod unus electus est, qui ceteris praeponebatur, in SCISMATIS REMEDIUM factum est, ne unusquisque ad se trahens Christi rumpere Ecclesiam. 93. c. legimus. Idem Anselmus Hieron. & alii testantur. Etenim nisi Christus Pontifici fidei controversias decidere, & finaliter declarare dedisset, numquid Christi Ecclesiam rumpi periculum foret: supponamus Ecclesiae patres congregatos Pontificem citasse, eumque accedere noluisse, postmodum Patres inter se fidei controversiam discussisse, post acrem disputationem manere divisos, post suffragia expetita utrumque numero pares diversa pertinaciter sentire, quænam pars ibi Ecclesiae dogma constitueret, cum non sit minor unius, quam alterius autoritas. Certè non video cui parti sit deferendum: ecce Angustiatam, imò & disrumpendam Christi Ecclesiam, cum non nisi una fides in Ecclesia esse possit: quod si tunc & Romanus Pontifex jus suum sibi retinere volens (cujus juri de infalibilitate in rebus fidei decernendis moderno tempore totus fere mundus subscribit, Gallia sola excepta non tamen omni, ut ex præclaris Galliae Episcopis ad Pontificem in causa Jansenii recurrentibus, in prima mea Epistola Apologetica ostendi) definitionem suam exhibeat; numquid ipsius aulici (ut tu derisorie eos vocas, & in eo nos gloriamur, quod ipsius aulici vocemur) ipsius sententiae acquiescent, refragantibus etiam bipartitis patribus? numquid unica Domini tunica (indiscissa tamen) tripartita apparebit? merito ergo cum Cypriano exclamo. Quis ergo sic est sceleratus & perfidus, quis sic discordia furore vesanus, ut aut credat scindi posse, aut audeat scindere unitatem Dei, vestem Domini, Ecclesiam Christi? monet ipse in Evangelio suo, & monet dicens, ERIT UNUS GREX, ET UNUS PASTOR, & esse posse UNO IN LOCO aliquis existimat, aut MULTOS PASTORES, AUT PLURES GREGES? absit, ideoque Dominus, ut hanc unitatem manifestaret unam Cath-

drum constituit, & UNITATIS EJUS ORIGINEM AB UNO INCIPIENTEM sua autoritate disposuit. PRIMATUS PETRO DATUR, UT UNA CHRISTI ECCLESIA ET CATHEDRA UNA MONSTRETUR. Una ergo Christi Ecclesia est, sed nullam aliam esse constat, nisi quæ in Apostolica radice fundata 24. 9. 1. c. pudenda, ut pote in Petro Dominus superquem edificat Ecclesiam UNITATIS ORIGINEM INSTITUIT, & ostendit. Cyprian. epist. 73. qui ergo non præsentem per se, vel per alios, vel sine ejus assensu concilia celebrant, an secum esse Christum cum collecti fuerint opinantur, qui extra Ecclesiam colliguntur? tales etiamsi occisi in confessione nominis fuerint, macula ista nec sanguine abluitur, inextinguibilis, & gravis culpa discordia nec passione purgatur. Cypr. l. de unitate Eccl. amplius ampliusque Pontificem supra Concilia eveham occasione illius, quod de D. Leone refert, & ostendam te vel canonum statuta ignorare vel scientem & volentem mordicus Pontifices impugnare.

Ommisâ historiâ, sic eructas, si & infalibilem se fidei custodem, & Episcopum Episcoporum Leo se credidisset, quid erat necesse ex toto terrarum orbe congregari sacerdotes, ne aliquid ultra esset, aut in fide debium, aut in charitate divisum? poterat solus Leo, & vulneratam fidem sanare, & depositum suæ sedis restituere flavianum. Fateor non erat necesse ex toto terrarum orbe congregari sacerdotes, ne aliquid esset aut in fide dubium, aut in charitate divisum. Poterat solus Leo & vulneratam fidem sanare, & depositum suæ sedis restituere flavianum poterat, inquam: at dices, non fecit. Transeat: quid inde concludis? ergo non potuit: negatur consequentia: non enim valet consequentia à non usu potentiae ad non potentiam: logicam repetas, sed non Gallicam, quia illa turpiter te Syllogizare docuit, ut patet, & patebit infra dum ex Adriano sexto non logico, sed scenico argumentandi genere probas Pontificem esse salibilem. Quod autem poterat Leo, possitque omnis ejus successor tam ineluctabiliter definire, ne ultra sit aliquid vel in fide dubium, vel in charitate divisum, Episcopum suæ sedis restituere extra vel in concilio patet evidentissime cum Romano Pontifici privilegia specialiter sint concessa tam de congregandis conciliis, & JUDICIIS AC RESTITUTIONIBUS EPISCOPORUM, QUAM DE SUMMIS ECCLESiarUM NEGOTIIS 2. 96. c. ideo. Idque tam irrefragabiliter ut apud ipsum terminum sumere probem ex testimoniis eorum, ad quos provocasti. Julius I. in rescripto contra orientales manifestè fatetur canonibus in Nycenâ Synodo jubentibus non debere præter sententiam Romani Pontificis ullo modo concilia celebrari, nec EPISCOPOS DAMNARI, Canonibus præcipientibus NIHIL EXTRA ROMANUM DECERNI PONTIFICEM, CUI HÆC ET MAJORA ECCLESiarUM NEGOTIA, tam ab

ipſo Domino, quàm ab omnibus univerſorum Conciliorum ſatribus privilegia contra-
dita ſunt. Hinc auctoritatem ſuam exercens in hæc prorumpit verba. *His taliter
conſideratis atque diſcretis tamquam omnium curam gerentes propter ſidis propria digni-
tatem* SUSCEPIMUS EOS IN COMMUNIONEM SINGULISQUE CUM SUIS AU-
THORITATE HUIUS S. SEDI REBUS PROPRIAS REDDIMUS ECCLESIAS, quo-
niam HUIUS S. SEDI, propter pravorum hominum inſidias ipſo Domino inſtituente
& SS. Apoſtoliſ, eorumque ſucceſſoribus per ſingula Concilia roborantibus, HOC SEM-
PER LICUIT LICEBITQUE IN PERPETUUM. Undè ſi in Conciliis dam-
nati ſint Epiſcopi, Pontificem appellare poſſunt, & ab ipſo, cui vice Apoſtolo-
rum Principis, univerſalis Eccleſia cura commiſſa eſt providendum eſt auxiliante ipſo
ſummo Apoſtolo, nè deinceps talia ſiant. Julius epiſt. 1. Etenim ejus diſpoſitioni om-
nes majores Eccleſiaſticas cauſas, & Epiſcoporum judicia antiqua Apoſtolorum, eo-
rumque ſucceſſorum, atque Canonum auctoritas reſervavit. Concil. Nyc. c. 2
Scrutantur ergo Pontifices Conciliorum ſententias, & reorum accuſationes, ut
ab ea omnes oppreſſi, & INJUSTE DAMNATI RESTITUTIONEM SUMANT.
2. q. 1. c. ideo huic. Quin imo & ipſe Leo hanc ſuam prærogativam ſupra
Concilia mordicus ſemper ſuſtinuit, dum audacter, & intrepidè ſibi adſcripſit,
quod etiam in Conciliis à ſe veritas defendatur. Accipe ejus verba, olim & ab
initio IN CONCILIIS percepimus, UT AUTHORITY HABEAMUS, AD
VERITATEM PRO PACE NOSTRA DEFENDENDAM. epiſt. 24. Agebat
dum hoc ſcripſit de ipſa cauſa, quam nobis objeciſti, ſcilicet Flaviani, ita ut
merito dicam ipſum cauſam illam in Concilio ventilatam terminaviſſe, ipſique
finale judicium adſcribendum eſſe, ſicut multi etiam Succeſſores ejus Summi
Pontifices ipſi attribuerunt. Dum hanc epiſtolam 24. legi aliud reflexi, quod
ſcilicet *mentita ſit iniquitas ſibi*, dum non citatis verbis, ſed ſolis locis epiſt. 24.
25. 26. hunc Leonem undecim ſæculorum Pontificibus annueraſti, qui ſe Ca-
nonibus obnoxios eſſe faſſi ſunt: (ut erroneè prætendis) vel alium legiſti Leo-
nem, vel hunc non legiſti, non enim habetur aliquod veſtigium huius ſenten-
tiæ, quod ſe Canonibus obnoxium agnoviſſet; ſed è contrà ex epiſt. 24. jam
oſtendi contrarium, & amplius oſtendo ex epiſt. 59. ubi dicit ſe acta Synodi
approbare, & aliqua repræhendere, numquid hæc ſuperioris ſunt munera? ac-
cipe iterum ejus verba: *cum ſcripta direxerim, qua evidentè oſtenderunt, me ea, qua
de fide Catholica in prædicta Synodo deſinita fuerant, approbare: ſed in eiſdem literis
ea, qua per occaſionem Synodi malè ſunt attentata REPRÆHENDERAM.* Miror
certe virum in Eccleſiaſticis verſatiſſimum hæc ignoraviſſe: utinam non crassa
ſit ignorantia veſtra, vel affectata! hinc patere quod veteranus in Theologi-
cis miles impugneris à juvene vix Theologiæ tyrocinio ereptus, viginti ſep-
tem annorum (in fide ſacerdotis ſic proteſtor) impenſis pro Theologia tribus,

aut quatuor annis : ab illo te finas duci ad iudices , ad quos appellasti , & a quibus non datur appellatio. Regrediatur in arenam Julius I. in epistola 1. ad orientales nervosissime probans Pontificis supra concilia autoritatem , Episcoporum negotia ab ipso finienda &c. audi ejus in verba. **IPSI PRIMÆ SEDIS ECCLESIAE CONVOCANDARUM GENERALIUM SYNODORUM, PURA ET JUDICIA EPISCOPORUM** singulari privilegio , Evangelicis , & Apostolicis , atque canonicis concessa sunt institutis , quia semper **MAJORES CAUSAM AD SEDEM APOSTOLICAM** multis autoritatibus referri precepta sunt : **NEC ULLO MODO POTEST MAJOR A MINORE JUDICARI** : ipsa namque omnibus major & pralata est Ecclesiis , qua non solummodo canonum , & SS. Patrum decretis sed Domini salvatoris nostri voce **SINGULAREM** obtinuit **PRINCIPATUM** , tu es Petrus , inquit , & super hanc Petram edificabo Ecclesiam meam. Hæc est totius Ecclesiæ traditio imò & sententia , ut probatur his verbis , porro dudum à SS. Apostolis , successoribusque eorum , in præsatis antiquis decretum fuerat statutis , qua hætenus **S. ET APOSTOLICA TENET ECCLESIA** (quam periculolum est ab ejus sententia recedere!) non oportere præter sententiam **ROMANI PONTIFICIS** concilia celebrari , nec episcopum damnari , quoniam **S. Romanam Ecclesiam primatem omnium ecclesiarum esse voluerunt**. Cujus eminentia tanta ut omnia negotia apud eam terminum sumant , ut patet ex sequentibus , & sicut **B. Petrus Apostolus primus fuit omnium Apostolorum** , ita & hac Ecclesia ipsius nomine consecrata , Domino instituyente , prima & caput sit cætorum , & ad eam , quasi ad Matrem atque apicem omnes majores Ecclesiæ causæ , & Judicia episcoporum recurrant , ejusque iusta sententia **TERMINUM SUMANT** , nec extra **ROMANUM** quidquam ex his debere decerni **PONTIFICEM**. Unde Concilium Sardicense epif. Synod. 1. fatetur hoc optimum & congruentissimum videretur , si **AD CAPUT** , id est , **AD PETRI APOSTOLI SEDEM** de singulis quibuscumque Provinciis Domini referantur **Sacerdotes**. Nimis tædiosum foret legentibus omnia ad longum testimonia recitare : ideo multos adhuc omitto , recolite tamen quæ adduximus ex Anacleto epif. 1. & 3. Felice I. vide Alexandrum I. in Decretali ad omnes Orthodoxos , Sixtum epif. 1. quæ extant tom. 1. Conciliorum : audi & Marcellum epif. 1. **Episcoporum judicia , summarum causarum negotia , sive cuncta dubia , Apostolica sedis autoritate sunt AGENDA ET FINIENDA** : ô insignem principatum ! cujus omnis Mundi Plaga subiecta sit ditioni , ad quam omnes , quasi ad caput juxta Apostolorum , eorumque Successorum sanctiones , Episcopi qui voluerint , vel quibus necesse fuerit suffugere , **EAMQUE APPELLARE debent** , ut inde accipiant tuitionem , & liberationem , unde acceperunt **INFORMATIONEM ATQUE CONSECRATIONEM** reflecte bene , hic latet aliud mysterium multis modernis Gallis adversum. Ultimo loco audi Melchiadem

Melchiadem epist. 1. EPISCOPUS nolite judicare, nolite condemnare absque HUIUS SEDIS AUTHORITY, quod si feceritis irrita erunt vestra iudicia, & vos condemnabimini, hoc enim privilegium HUIUS S. SEDI à temporibus Apostolorum statum est servare, quod illatum manet usque in hodiernum diem &c. quæ brevitate ergo omitto.

Vides ergo quomodo S. Leo potuerit solus vulneratam fidem sanare, & depositum suæ sedi restituere Flavianum, quare non fecerit, non lubet nec vacat indagare, cum nobis non possit obesse. Vide hic etiam an rectè iactaveris, quod undecim sæculorum Pontifices (ad quos appellasti) se Conciliis subditos agnoverint, & reperiens hoc erroneè te assumpsisse.

Hæc omnia præcitata attendat Rex Christianissimus, suspiciat Furstenberge, in eisdem exultet Princeps Clemens Bavarus: rem tamen hanc non ita ex professo agitare desidero; ideoque parcam Regi promovere nitenti, parcam & Cardinali Furstenberge promotionem prætendenti, non proferam poenas ipsis debitas, ne veritatis audiendæ incapaces animos, superbiam, & tumore amplius ampliusque elatos occasione epistolæ meæ magis magisque cum eorum majori perditione excitem: unicum tamen ipsis proferam Canonem, qui saltem excoecatis prælucere possit, si quis Episcopus PER VERSUTIAM, ET TYRANNIDEM PRINCIPUM huiusmodi dignitatis consecrationem receperit DEONATUR OMNIMODE, utpotè, qui ex voluntate carnalis sensus, ut ex hominibus, & per homines Dei donum possidere voluit, VEL CONSENSIT. Can. 12. in Synodo Æcum. & iterum act. X. Can. 5. Quin imo talem etiam à sacris arcemus, si PER VIM REGIAM ad eum honorem pervenerit. Hæc indicasse sufficiat: nec pro cæteris gestis ultteriores probas proferam, quia ex dictis etiam colliges, quomodo decisio illius difficillimæ Ecclesiæ quæstionis, quæ occasio est perturbationis totius orbis ad innocentium XI. modernum Pontificem iustissimum, prudentissimum, pacis amantissimum, ab omni partialitate maximè immunem spectet, & quidem taliter, ut ejus definitioni omnes acquiescere teneantur, nec detur ab ejus decisione appellatio, uti rectè docet S. Bernardus l. 3. de confid. Eugenium alloquens indecens tibi voluntate pro lege uti, & QUIA NON EST, AD QUEM APPELLARIS potestatem exercere, negligere rationem. Potestate quidem usus est, nec neglexit rationem Innocentius, contrarium quidem prætendunt impacifici & turbulenti, sed non dignor ipsis dicere, quod defecerunt scrutantes scrutinio, non enim intrarunt sagax scrutinium, qui voluntate pro lege usi sunt, negligentes rationem; hætenus quidem multa scripta ediderunt, sed in nullo ratione aliquâ solidâ prætensionem suam munierunt, nisi fortè exprobariones in Pontificem, exorbitantes Regum volitiones, & similia solidæ rationes appellari possint. Requirant

præter ea, quæ allegavi, jus Canonicum, & 2. q. 6. per totam reperient, definitum ad Romanum Pontificem omnia difficillima Ecclesiæ negotia devolvi debere, à nullo alio posse decidi, ab ipso solo terminari, nec ab ipso posse umquam appellari, hoc quippè *cuncta per mundum novit Ecclesia, quod sacrosancta Romana Ecclesia fas de omnibus habeat judicandi*: neque cuiquam de ejus liceat judicare judicio, siquidem AD ILLAM de qualibet mundi parte APPELLANDUM EST, AB ILLA AUTEM NEMO EST APPELLARE PERMISSUS. 9. q. c. cuncta. Nec recursum habere possunt ad Concilium, qui Papæ sententiæ acquiescere nolunt: siquidem ibid. scriptum est, *sed nec illa præterimus quod Apostolica Sedes sine ILLA SYNODO PRÆCEDENTE, & solvendi, quos Synodus iniquè damnaverat, & damnandi NULLA EXISTENTE SYNODO, quos oportuit, habuit facultatem*. & hoc nimirum pro suo PRINCIPATU, quem B. Petrus Apostolus Domini voce & tenuit semper, & tenebit. Maneat ergo inconcussum, QUOD SEDES B. PETRI APOSTOLI DE OMNI ECCLESIA FAS HABEAT JUDICANDI. 9. q. 3. c. 18. Non hæc unius Pontificis sententia, sed (uti antè probatum est) totius Ecclesiæ consensus, etenim IPSI SUNT CANONES; qui appellationes totius Ecclesiæ AD HUIUS ECCLESIAE examen voluere deferri. Ab ipso vero nusquam prorsus APPELLARI debere sanxerunt, ac per hoc illam DE TOTA ECCLESIA judicare, ipsam ad nullius committere judicium. 9. q. 3. c. ipsi sunt. Hoc Deus instituit, & voluit B. Petri successores Cælo debere innocentiam, & subtilissimi discussoris indagini inviolatam exhibere conscientiam. 9. q. 3. c. aliorum. Et profectò in quem finem ad Concilia recurrunt impacifici? in nullum: cum ab ipsis tantum scrutari causam liceat, NON TAMEN DEFINIRI INCONSULTO ROMANO PONTIFICE. concil. Nicæn. c. 3. Appage ergo mali litigatores, & frivole appellantes. frustraneè ad alium Judicem recurrentes. Ubi etenim umquam visa est appellatio à Judice majori tamquam à Judice à quo, ad Judicem majorem tamquam ad Judicem ad quem? superior est omni Judice Pontifex, ergo nec ab illo appellari potest. Acquiescant ergo quicumque ab ipso judicati. Quia nemo nunquam Apostolico culmini (DE CUIUS JUDICIO NON LICET RETRACTARE) manus obvias audacter intulit; nemo in hoc rebellis est, nisi qui de se voluit judicari. 9. q. 3. c. patet. Et quidem severo judicio, quia peccatum paganitatis incurrit, quisquis, dum Christianum se asserit, sedi Apostolicæ obedire contemnit. in c. si quis. Hæc absorbeant malevoli, qui ad Concilium generale recurrere prætendunt, sed in vacuum current inquieti illi. Etenim si qua ÆCUMENICA SYNODUS COLLECTA, DE ROMANÆ ECCLESIAE CONTROVERSIA QUÆRAT, LICEBIT CUM VERECUNDIA DE PROPOSITA QUÆSTIONE PERCUNCTARI, RESPONSUMQUE ADMITTERE: ET (SIVE NOCENS SIT, SI

NE INNOCENS) NTQUAQUAM IMPUDENTER SENTENTIAM IN PONTIFICES ROMANOS PRONUNTIARE. Sic definitur in VIII. Synodo Æcumenica aët. X. Ecce quomodo Pontifex sit supra Concilia. Annè adhuc dicere audes non posse vel unum Canonem proferri, qui post exquisita Patrum vota & institutâ deliberatione sit editus ? nonnè vota sua declarant institutamque deliberationem, qui ibidem exclamant, OMNES ITA SENTIMUS : OMNES ITA CENSEMUS : OMNES CONSENSU LIBENTER SUBSCRIBIMUS. Ito, ito, glorieris, glorieris, quod Bellarminus, Perronius, & alii (quamvis non desint, qui eam graviter censurarunt) ut hæreticam sententiam vestram non condemnarunt, nec ego te condemnabo, sed judicet te Deus, & discernat causam tuam. Interim rogo, ut exurgat Pontifex, & dissipentur inimici ejus & fugiant, qui oderunt eum à facie ejus, & eos, qui recedunt ab eo, regat in virga ferrea, & tamquam vas figuli confringat eos. Servite omnes Christiani Summo Pontifici in timore, & exultare ei cum tremore, apprehendite disciplinam ejus nè quando irascatur Dominus, & pereatis de via justa. Beati omnes, qui confidunt in eo. Quamvis enim justè quandoque ira ejus exardeat, tamen non habemus Pontificem, qui non possit compati infirmitatibus delinquentium, sed universa delicta eorum operiet charitas ejus, si tamen redeant prævaricatores ad cor, & contra stimulum calcitare desistant : quamvis jam satisfeci probando, nolo tamen deesse refutando, ideoque ad acta Apostolorum in favorem tuum frivole à te adducta transcamus.

Etenim ex omnibus actuum Apostolorum locis nihil tibi favere demonstrant SS. Patres : non enim poterat Apostolis congregatis esse subiectus, qui ERAT OS APOSTOLORUM, & princeps & vertex ipsius cætus, propterea & Paulus eum præter alios visurus ascendit, simul ut ei ostenderet jam sibi fiduciam habendam, vel ut Hieronymi utar vocabulo, nè in vacuum curreret, aut cucurrisset. Chrys. hom. 87. Hinc idem Chrys. hom. 3. in aët. Apost. 1. fatetur quidem Petrum consuluisse Apostolos, sed quod solus, quæ tractabantur, facere poterat, omnes alios in manu habebat : audi potius ipsum met Petri supra Concilium superioritatem explicantem. In diebus illis surgens Petrus in medio Discipulorum dixit : quàm est fervidus ? quàm agnoscit creditum à Christo gregem. Quam in hoc choro Princeps est, & ubique primus omnium incipit loqui . . . Oportet igitur è nobis, inquit, congregatis omni tempore : quàm ob rem communicat hoc negotium cum illis ? ne res verteretur in pugnam, ac delaberetur in contentionem : QUID ? AN NON LICEBAT IPSI ELIGERE ? LICEBAT, ET QUIDEM MAXIME : verum id non facit, ne cui videretur gratificari . . . Merito primus omnium auctoritatem usurpat in negotio, ut QUI OMNES HABEAT IN MANU, ad hunc enim dixit Christus (ecce probam sui dicti) ET TU ALIQUANDO

CONVERSUS CONFIRMA FRATRES TUOS. Cum in ore duorum vel trium testium stet omne verbum, brevitatis causa unum huic adhibeo convincentem testem D. Antoninum c. 11. historiae act. Apost. §. X. ubi hæc habet. *Cum autem quaestio proposita esset, qui ut SUMMUS PONTIFEX HABEBAT DETERMINARE QUÆSTIONEM in qua quaestione negotium FIDEI versabatur, scilicet de observatione legalium dixit. Viri fratres vos scitis quia à diebus antiquis elegit Deus PER OS MEUM audire gentes verbum Evangelij, & credere fide purificans corda eorum &c. CONCLUSIT DETERMINANDO non esse Gentiles conversos gravandos in observatione legalium, circumcisione, & aliorum caremonialium. Exinde locutus est in Concilio Jacobus minor Archiepiscopus Hierosolymis factus ab Apostolis, non tamquam MAJOR PETRO, vel determinans quaestionem, cum hoc ad eum non pertineret (sed ad Petrum ut supra dixit) sed pro parte Concilij, seu aliorum de Concilio; approbans & confirmans DETERMINATIONEM PETRI, sicut Patres in Concilio respondere solent per placet (quam hic torquetur vester Clientis Egidius de Witte) Cum vero isti nascentis Ecclesiae conventus futurorum exprimerent Conciliorum formam, & istis Apostolorum Synodis Petrus anteierit, in easque exerceat auctoritatem, quid restat, nisi ut etiam ejus successores prælint Ecclesiae, ut Concilia eorum decretis parere teneantur? agnoscis Christianæ Apostolorum Synodos fuisse futurorum Conciliorum formæ expressivas, cur ergo ab hac Patrum sententia avelleris de superioritate Pontificis supra Concilia? An ignoras, quia in Ecclesia nemo Pontifice potior? Disce ex S. Fulgentio, cujus sunt formalia verba l. 2. de verit. prædest. c. 22. ubi & ad marginem refertur Synodus Parisiensis his notis an. 829. l. 1. c. 23. an ad propositum hæc Synodus benè referatur, ego credo auctori, donec contrarium viderim: non enim potui reperire illius Synodi decreta, tu scrutare domestica, nos scrutabimur præsentia.*

Nunc ad vestram Dialecticam Gallicam transeo. Cave Sanctissime Pater Innocenti fortis armatus incedit in atrium tuum, jam jam te infalibili Cathedra tuâ deicere tentabit; sed consolare, non prævalebit. Examinemus ergo vestrum syllogismum quo probas Papam esse falibilem. *Quidquid, inquis docet Papa, ut Papa infalibiliter verum est, atqui aliquis Papa ut Papa docet Papam esse falibilem, ergo infalibiliter verum est.* (forma est bona, sed suppositiones falsæ) minorem probas ex Adriano sexto qui eam docuit ut Papa Papa existens. Sed quomodo hoc probas? Theologiam, inquis, tempore Pontificatus impressit (in qua hoc docebat) & eam per totum mundum dispersit, ergo docuit ut Papa. Et tandem concludis, *si hac ratiocinatione non demonstratur nostra sententia veritas, missam facio Dialecticam, eamque non disserendi artem dixero, sed fallendi.* Rectè judicasti: fallendi, non disserendi ars est Dialectica

ſedica Gallica : non ſic totius orbis , ſed hæc ſophiſmata veſtra detegit , reſe-
lit, evincit. Annè valet conſequentia in veſtra Dialectica ab opinione Pontifi-
cis ad definitionem Pontificis ut Pontificis ? Non ſic in Dialectica totius or-
bis , ſed hæc diſtinguit inter opinionem Pontificis , & definitionem ejuſdem,
illam ſalibilem , hanc inſalibilem demonſtrat. Definitionem Adriani VI. quã
Pontificem ſalibilem in ſua Decretali pronuntiat nuſquam oſtendes , vel ſi
oſendas victas manus dabimus. Ejus autem opinionem oſtendiſti : ſed ex ea
non licet concludere eum docere ex cathedrã *Papam ut Papam eſſe ſalibilem*, quia
Papa ut Papa non non opinativè, ſed reſolutoriè, definitivè, inſalibiliter determinat,
dum opinativè procedit , ut homo docet , dum definitivè , ut Deus , &
Vicarius Chriſti , ut homo eſt , ſalibilis eſt , uti opinativus eſt , ut Deus ,
& Vicarius Chriſti , inſalibilis eſt , in ſuo judicio irreformabilis , uti ille,
cujus vices gerit , cum hoc tamen diſcrimine , quod Deo , cujus vices gerit
ſit proprium , Papæ autem participatione communicatum. Miſſam igitur fac
Dialecticam Gallicam , eam non diſſerendi , ſed fallendi artem pronuntia :
amplectere Dialecticam totius orbis , & per eam ex antecedentibus demon-
ſtra Pontificem eſſe inſalibilem : eam , inquam , amplectere : quia ſcio quod
illa te non lateat , es enim *Magiſter in arte*.

Deficit mihi tempus , pluribus te impugnarem , ſed vocor ad negotia , de
quibus te monui , dum tibi primam meam epiſtolam impreſſam tranſmiſi,
adjungens unam propriã manu conſcriptam & ſubſcriptam , in qua tibi præ-
ſagiebam me fore impediendum , ideoque ad citò reſpondendum exhortabar,
ut antè impedimentum meum tibi ruſus reſpondere valuiſſem ; ſed ſicut im-
pedimentum meum me obruit , ita reſponſum veſtrum præveni epiſtolâ hac,
ad utramque reſponſum exſpectaturus , & dum redux fuero , vice verſâ reſ-
ponſurus. Dum mihi reſpondes probationes efficaces adſeras , non rethoricè
diſpoſita inania verba , & voces , quia *in rebus Eccleſiaſticis non ſpecimen elo-*
quentia , ſed Canones Apoſtolicis requiruntur , & Patrum Conciliorum integra
non truncata teſtimonia : *operaque dari ſolet ne quis ex parvis in Eccleſia ſcandaliz-*
etur. Julius Papa in epiſt. ad orient. ſcandalum paſſi ſunt hæretici ex tuo
dicto de Pontifice *factus eſt æthnicus , & publicanus* , dum ad concilium venire
renuit. Scandalum patientur & illi qui ſequentes tuam ſententiam in dubiis
rebus fidei ad Pontificem reſcurſum non habebunt , ſed quærent ſibi magi-
ſtros prurientes auribus , à veritate auditum avertent , ad fabulas autem con-
vertentur , & verendum eſt , ne in illis verificetur , quod de ſimilibus præ-
dixit Cyprianus , *neque aliunde hæreſes ſubhorta ſunt , aut nata ſunt*
ſciſmata , *quam inde , quod ſacerdoti Dei non obtemperatur , nec unus in*
Eccleſia ad tempus ſacerdos , et ad tempus iudex vice Chriſti

COGITATUR. Epist. 55. Spero meliora, si omnes æmulenter clarissimam meliora. Quærenti tibi de nostra sententia defendentibus, quid reponent, si ipsis objectem unum ex Jansenii erroribus cum ipsum esse, quem jam insectamur cum Pontificiam infalibilitatem tuitus sit? Ego pro aliis tibi cum Hieronymi verbis respondeo, oro te, ut qui nostro vulnuscule medendum putas, quod acu foratum in id punctum, ut dicitur; tua sententia medearis vulnere; quod lancea, & ut ita dicam phalarica mole percussus est. Neque enim parvi est criminis in explanatione scripturarum diversas à majorum opinione sententias ponere, imò & falsas iplis affingere.

Cum eodem Hieronymo loquor iterum atque iterum te obsecro, ut ignoscas disputatiuncula mea. & quod modum egressus sum tibi imputes, qui coegisti, ut scriberem: nec ego tibi sed causa causa respondi, & si culpa est respondisse, quaso ut patienter audias, multo major est provocasse: sed facessant isti-jusmodi quarimonia, sit inter nos pura germanitas: & deinceps non questionum, sed charitatis ad nos scripta mittamus. Scripsi tibi non ut te docerem, sed à te discerem, quia nequaquam mihi arrogaverim, ut ingenium tuum divino dono aureum meis obolis ditare contendam (cum Augustino loquor) sed si sit vel in tua, vel in mea opinione quidquam erroris, non est quisquam te magis idoneus qui opus illud emendet. Sed iterum cum Hieronymo te alloquor dum mihi respondere dignaberis, ne mihi imperitorum plebeculam concites, qui te venerantur, ut Episcopum, & in Ecclesia declamantem sacerdotii honore suscipiunt, me autem secreta sectantem parvi pendunt, non propter doctrinam (laus Deo) sed propter vilem statum. Et cum Augustino concludo, ex toto corde hoc erga me ab omnibus servari volens, quod erga te ipse servavi, ut quidquid improbandum putant in scriptis meis, NEC LAUDENT SUBDOLO PECTORE NEC ITA REPRÆHENDANT APUD ALIOS UT TACEANT APUD ME, hinc potius existimans ladi amicitiam, quam in perpetuum servare desidero. Et quoniam nulli rectius possum, vestra sanctitatis (sanctissime Pater Innocenti) præsentio conspectur subditum opusculum, ut ejus autoritate, qua ibi suscipienda sunt approbentur, & qua corrigenda sunt emendentur S. Anselm. in præfat opuscul. de incarnatione: Post scriptam, & impressam, sed non totaliter (utinam citius venisset!) hanc meam epistolam, pervenit in manus meas decretum Roma transmissum, in quo hæc vestra epistola (quam impugno) damnatur, & quod ego hactenus censurare non fui ausus, hoc infallibilis Pontifex sua autoritate Monarchicâ fecit. Gratulor modo Gallis, qui suum facile antesignanum damnatum vident. Quo jam se vertent? decreto Pontificio obedire tenentur, te ipso fatente, Illustrissime Domine, dum dicis: GALLI stant à Conciliorum partibus: sed summos Pontifices à Christo

Domino, tamquam Petri successores, toti Ecclesia praefectos, venerantur. IPSIS OBEDIRE JURE DIVINO SESE TENERI PRÆDICANT SUPER TECTA. (Sed non praedicant, ipsi viderint) ita docent summos Pontifices rebus Ecclesia providere, ut EORUM DECRETA, QUOAD FIDEM, ET QUOAD MORES, secundum canones, & antiquas ac laudabiles nationum consuetudines, AMPLECTENDA SINT, donec ex toto orbe sacerdotes congregantur. Quis te docuit hanc exceptionem ? quidquid hoc sit : tu amplectere cum tuis Gallis hanc Pontificis de doctrina tua damnationem. Ad concilium appellabis ? ad concilium ibis, sed sicut ingressus fueris redibis condemnatus, quia, concilium Pontificis sententiam reformare non posse, jam demonstravi invincibiliter ; ipsius enim in rebus fidei decreta omne dubium ita tollunt, ut dubietati locus non vacet, & ab ipsius sententia terminumumat, ut ait & resolvit Gallia Episcopis Joannes Papa VIII. epist. 95. dicens si quam contentionem de FIDEI CAUSA evenire contigerit ad nostram studeant perducere notionem, quatenus à nobis valeat congrua SINE DUBIO sententia TERMINARI. Dum enim Româ rescripta venerunt causa finita est ait August. serm. 2. de verb. Apost. c. 10. causa itaque vestra finita est, Illustrissime Domine, quia Româ, à sede Apostolica rescripta venerunt, jam judicatus es, damnatus es : quid restat, nisi ut Palinodiam canas ? etenim adhuc ut Catholicum te veneror, quâ toga eximium, quâ insula Illustrissimum, quippè non pertinaciter tuam sustinebis sententiam, hoc confido, imò scio, quia qui cum pertinaciâ tuetur errorem scis quibus sit adjungendus : sed ab illis te sequestrabis, non dubito : humanum est opinando errare, sed diabolicum est, cum pertinacia perseverare contra Apostolica decreta : rogo etiam ut omnes tuos sequaces ad veritatis agnitionem Episcopali vestra autoritate reducas, ut verus Pastor, ad Pastorum Pastoris pascua enutriendas dirigas, & nobiscum infalibili ejus doctrinæ pabulo fruaris. Ex nunc permitto mihi, vobis Gallis, imò & toti orbi pacem, in veritatis defensione concordiam, & unionem : quod non nisi Pontificis infalibili definitione procurari potest : agamus ergo ei gratias, qui solutus inimicitiiis in carne sua, fecit, ut IN OMNI ORBE TERRARUM UNUS ESSET GREX, ET UNUM OVILE SUB UNO PASTORE. Sixtus Papa epist. 2. post hanc gratiarum actionem à convivio vestro, ad quod non invitatum me invitavi, recedo & maneo.

ILLUSTRISIME DOMINE,

III. V. Gratiae indignus famulus,

FRANCISCUS VERITE.



